

CIBALO 1

SIKWAZE NCAJATA AKULYA NSWI

Kaindi kaindi, inswi yakapanga cilongwe a Sikwaze. Sikwaze mbwena mbuli sunu, wakali muyuni ulemenede alimwi ujisi mpuwo akaambo kakuti wakalijisi luzyibo unji kapati. Oolu luzyibo wakalujana kwiinda mukweenda mumasena manji.

Balongwe aaba bobilo bakapangana kuti kabayandawidana zyakulya. Abvoobo inswi yakali kongolezya tuuka-uka twamumeenda kucelela atala-tala kutegwa nwenzyinyina sikwaze kajata akulya. Awalo sikwaze wakali kuletela nswi tuuka – uka tujanika atala aamulonga tuli mbuli masenda, imvwunyu aba namola.

Ukulya cilongwe mpocibotela, tuuka-uka tunji twamumeenda twakacenjela kuleka kucelela atala mpanga Sikwaze ulakonzya kutujaya. Walo Sikwaze wakali uiiletela nswi zyakulya.

Ukwakainda mazuba manji sikwaze nzala yakamujaya kapati. Wakayandisya kuti ambaule answi kutekwa azyibe cakasyupide cakalikulesya kuti inswi imupe akulya. Sikwaze wakaunka kumulonga akusika acibaka mpubakali uswaanganina. Obu buzuba Sikwaze taakaleteleyede cakulya pe. Inswi akazwa kutegwa itambule cakulya. Mbuyakazwida buyo Sikwaze wakaibuzya akalikusyupa kumupa` cakulya. Inswi yakasola kupandulula pele Sikwaze akateelela, wakanyema kapati akusola kuijatanswi. Inswi yakayoowa kapati. akalibonena kuti makani abija.

Ukafwambaana kuyeeya muzeezo mubotu wakaivwuna. Yakapuzyumukila twamumeenda yabbila akubbila. Sikwaze wakacaala ulabimba akaambo kakunyema. Wakati mumoyo, kuzwa buzuba oobu inswi ngusinkondonyina alimwi ncakulya akwe. Ambuli sunu Sikwaze ulajata akulya nswi.

CIBALO 2

NCAAKANDUKILA MULOMO SULWE.

Ulimwi buzuba Sulwe wakalitenda amulomo naakali kusyuunta mume mamvwa.

Ukunyati wakati, "Cakubamba omufubafuba. Ino ulekelanzi kuya kunywa amulonga mbuli banyama bamwi?"

Sulwe wakavwila wakati, "kukwaambila kasimpe, tiindajisi muyeeyo oyo pe. Ndeelede kucita mbuli mbowamba". Naakasintama kuteeti anywe wakabona cinzimweemwe cakwe mumeenda, nkabeya wakayeeya kuti antela ngusulwenyina aboobo wakay kusola acibaka cimbi.

Wakasola muzibaka zinji-zinji pesi wakajana ncimunya buyo. Kumamanino cakamucima wakati, "Nsekonzyi kunywa meenda mumulonga uzwide banabokwesu".

Kuzwida cindi eeco Sulwe tanaakeenda kumulonga kuya kunywa meenda. Aboobo cifumofumo usyuunta mume uujanika kubwizu. Ambuli sunu mulomo wakwe ucaandukide.

CIBALO 3

NG'OMBE A NKOBO

aindi, kaindi inkobo a ng'ombe zyakapangana cilongwe. Zyilengwaleza eezyi yakalikumvwana kapati. Lyoonse zyakalikweenda antoomwe. Kuti wabona cimwi kuzyiba kuti acimwi cila afwafwi. Balongwe aaba bakali kugwasyanya munzila iimpene impene. Cimwi ciindi kuti umwi wabalongwe aaba wabona ntenda onzya kunyonganya buumi bwa mweenzyinyina, wakali kufwambaana cenjezya mulongwe wakwe.

ongwe ca ng'ombe a nkobo cakakomena kapati. Banyama abayuni bamwi kalikunyomenenwa kapati kubona balongwe bobilo aaba.

kayandaula nzila yakunyonganya cilongwe ca ngo'mbe a nkobo.

kasola canguzu kuleta lupyopyongano kubalongwe aaba pele kunyina cilongwe akafwa.

syikubeja, basiluvwiyu ababaya basibunjaka bwiimpene impene bakasola pati kuleta bunjaka pele kunyina nibakacikonzya kubaandaanya balongwe aaba bilo cilongwe cabo cakali kuuya aambeke kuyuma.

obo a ngo'mbe nizyakabona kuti munyono waindilila kucilongwe cabo cakali wa busi, bakayeeya kuti beelede kucita cimwi cintu kutegwa bakwabilile ngwe cabo. Bakayandaula nzila zyoonse kusika limwi bakaimina akuti ncibotu ke kukkala antoomwe lyoonse. Bakapangana kuti imwi myezi balongwe aaba okuba antoomwe nkabela iimwi bano kwiimpana kucita kuti ndiiza inga nyono wabamwi banyama abayuni waceyaceya.

wa ceeco ciindi kusiika sunu, ing'ombe a nkobo tazyikkali antoomwe pe, onana bo muzyiindi, pele cilongwe cicili ciyumu mbweena mbuli kaindi, kuti

ng'ombe a nkobo zyaswaana ulajana zyiide kuyooma akusalana nzenzene atumwi tuuka tuluma.

CIBALO 4

SIKWAZE A NGULUBE

aindi loko Sikwaze a Ngulube bakapanga cilongwe. Bakali kucita zyiintu antomwee akweenda antomwe. Bakali kupana maanu lyoonse.

mwi nsondo Sikwaze wakaya kukuswaya mweenzyinyina Ngulube eelyo bakalya akulya camasyikati antoomwe. Bamane kulya bakasamba antoomwe kumana kasaalo kaambo kwakali kupya kapati buzuba oobu. Mbubakamanina buyo usamba Ngulube yakaambila mweenzyinyina kuti ncibotu baunke kuyoonywa bukoko mumunzi wakali alaale kuzwa amunzi wabo. Bakabujana bukoko bubotu kapati akukolwa bakakolwa citaambiki.

Ngulube yakaalilwa kweenda kujokela kunga'nda eelyo yakalomba Sikwaze kuti mbale. Sikwaze wakazumina akuyambila Ngulube kuti itante kusyule lyakwe.

akunyina akusowa cindi, Sikwaze wakauluka waunka kulaale mujulu.

ncili mujulu, Ingulube yakazyizyilwe kulisongwaazya, yakalomba Sikwaze kuti ambe cakali mumoyo wayo, Sikwaze wakaizuminzya eelo yakati, likulangilizya mbwaakali kuuluka Sikwaze ono ayalo yalikuyanda kuti iseluke tegwa ilyuulukile yeni. Akaambo kakuti bonse bakali koledwe kunyina wakali konzya kunyona mweenzyinyina, Sikwaze waileka Ngulube kuti ilyuulukile likke. Ingulube yakasola kuuluka pele cakasyupa yakabola canguzu ansi uzuyokuwa muzinga mupati wakapanga coongo cipati.

Ngulube yakatozya mulomo a mpemo aboobo mulomo a mpemo zyakabbenda mbuli sunu tazyiina lulama.

nyama abayuni bamwi bakabona cakacitika. Aaba banyama abayuni bamwi kaimpana kumicito yabo kweendelana ntenda eeyi. Likumba wakali yookezya mumsi mumsi abusena Ngulube mpoyakawida wakayoowa akujulisya so amulomo wakwe. Ambuli sunu Lukumba ujisi mesyo mapati.

mbeba yalo yakeetezyegwa aboobo yakasisa luseko lwayo, yakali kusekela mumoyo ono akaambo kakwatikila mucamba, mulomo wayo wakatalika kulampa mbuli sunu mulomo wa mbeba mulamfu, walo Sulwe wakayandisisya kuti mbile boonse banyama abayuni cakacitika eelyo wakalunduka kapati ooku oku kaya bwaambila banyama makani aakuwa kwa Ngulube. Kuzwa buzuba walo sulwe wakaba aalubilo kapati. Walo mwaaba taakayanda kusisa luseko

wakwe pe. Walo wakaseka kapati alimwi asunu mwaaba uciseka kufumbwa yeyya kuwa kwa Ngulube.

CIBALO 6

MWIZA

uzuba bumwi Mwiza bakamweena basimbinyina. Bakabbala bana bamantamba bibakali kusobanya kumantombwa. Bakamwena, bakati, "Mwiza! Bweza wanaako tuye kulwizi, bana bakeebe nyengeenge". Mwiza wakabbala wanakwe, wakabweza ansaka. Bakaya kulwizi.

mbakasika kulwizi, Mbeembe wakati, "Beenzuma, bana batulemena, ubasowele mulwizi, batukakizya kujana tuswi".

kasowa bana ansaka nkabela benzyinyina bakamuseka Mwiza, bakati, "Yeelo! ye! Mwiza wasowa mwanakwe, iswe twasowa bana bamantamba".

mwiza wakausa benzyinyina nobakamuseka, nkabela bakamusiya ulalila bakaya kumunzi. Nobakasika kumunzi bakambila banyina mwiza kuti Mwiza musowa mwanaakwe mulwizi. Bazyali ba Mwiza bakausa kapati bakaya kulwizi bona mpaakamusowela, nkabela Mwiza tibamujana kulwizi.

katollezya lwizi kuti akalete mwanaakwe kuli kabumbabana, mucembele, lwizi ulwakali kusunkila bana bakali kunkila muli ndulo.

mwiza wakajana ntale kumbali alwizi abbwe. Yakamubuzya yakati, "Musimbi, uya olikke?"

mwiza wakavwila wakati, "Ndaya kumucembele utegwa kabumbabana, njili nzila a nkuko? Nditondezuya".

ntale yakati, "Ndijikila muswi kutanguna, nkutondezuye kabotu nzila". Mwiza wajikila muswi nkabela yakamutondezuya nzila.

mpela wajkajana mubondo kunkomwe. Wakabuzya nzila kuli nguwe kamutondezuya nzila naakamana kumukangila bamvube. Wakeenda, wakasika asuwa, wakajana mvumvu (civubwe) yakajisi mwana mutete.

ntalelela mwana mazuba obile, yakamutondezuya nzila, yakati, "lino fwiimpa kuli kabumbabana. Wakusika kumucembele oyo, ukamulemeke

ukacite zyoonse nzyatikakwambile kucita, nkabela uyokupa mwana ngoyandaula."

Mwiza wakasika kuli kabumbabana wakalivwubide banyama abauka abayuni abana. Bazoka wakabayalide mbuli mitanda mulukonkono. Mwiza wakamukazika amuzoka mupati naakasika. Masiku wakamusonda zyilyo.

Insima bakasunsa silinde abacimwinye. Mwiiza taaku naakalide bacimwinye kuli mbabo, pesi wakabalya nkambo ncecilisyo ncaakali kusunsa Simeenzu wakwe. Aboobo, mucembele wakamuyanda, nkaambo wakali musimbi ulemeka.

Nobakamana kwiizya acikko, wakamubambila bulo mungazi, nkabela wakamubikkila lusuwo lwamusenga kumitwe, wakutowa banyama masiku.

Wakamwaambila wakati, "Musimbi, kuti wamvwa cintu citanta mungazi masiku, umwaile musenga kubbasu nkoocimwida kukwalabanta".

Mwiza wakacita mbuli mbwakalalilwa amucembele. Cifwumofwumo, wakamusanzya meenda akasaala. Wakamunanika mafwuta, wakamusamika yisani ziyipya, wakamupa zyilyo, wakamutola kuganda pati, kukusala mwana. Wakajana bana banji munganda. Wakasala mwana mulombe usalala, mulamfwu nasusu.

Kabumbabana wakamupa kabula Mwiza kakumutola kubazyali bakwe amwaana gwakasala. Wakatanta mukabusa anguwe, nkabela wakasekelela, wakati,

"Kabula teendeleka!
Kabuula teendelekele kwataata,
Kuli nabweene Syankombo, Syamwiza.
Twakusika tuyoolya nyama!
Tuyojailwa ng'ombe
Kuli nabweeme Syankombo, Syamwiza".

Kabula kakatendeleza Mwiza amwana kakabasinsya kumazuba, nkabela banyina Mwiza bakali Kumeenda nokakabasinsya nga'anda yabo. Mwiza wakanjizya amwana mung'anda, kabula kakapiluka kuli kabumbabana, nokakabasiya biyo.

Banyina Mwiza nobakajoka bakajana Mwiza amwana mubotu mng'anda. Wakakondwa kapati. Bantu bakayoboloka kukubona mwana mubotu. Basimbi wakacengede Mwiza bakausa. Wakabanyomenezya mwana.

Obwakaca bakapobwedwa ngombe ineneede. Bantu boonse bakalya kusekelela kapati.

Basimbi bakeena Mwiza bakatakata cipobwe amisobano, bakati, "aswebo teelede kuunka kuli kabumbabana, tukaleta bana basimbi".

Cifwumofwumo bakaya kuli kabumbabana. Bakeenda munzila njiyonya njakatolelezye Mwiza. Bakasika abbwe lyantale bakabuzya nzila kuli njiyo. Yalo yakali, "amundipalè mapapa amusana, ndamutondezya kabotu nzila".

Bakaiwuwu, bakati, "Bama yoo! Cabija citale ciyanda kusanzigwa aswebo tobobotu. Sa tucisambi mumeenda mocikkala? Katuya biyo cilatucelezya kuya kuli kabumbabana".

Intale mbobakaisampaula oobu. Bakainda nkabela bakajana mubondo kumbele. Alakwe bakamusampaula. Imvumvu ayalo bakakaka kwiilelela mwana. Bakaisampaula mbubonya mbuli mbobakasampaula intale amubondo.

Bakasika kuli kabumbabana, nkabela taakwe nobakamulemeka pe. Bakakaka kukkala abazoka, bakakaka kulya zyilyo.

Bakamusampaula kabumbabana, bakati, "mucembele kulindiswe takukkali abazoka, balaluma, tatuyi zyilyo nzyolya okuno pe. Tupe bana mbotwazyida, tujokele kuli ndiswe".

Mucembele wakali kuyanda kubapa bana basimbi, cifwumofwumo. Wakabayalila malo mungazi, wakababikkila zyisuwioo zyamusenga wakutowa banyama masiku. Pele basimbi taakwe nobakacita mbuli mbwakabalailizya kucita. Mbeembe wakatimwaile musenga wakamukasya. Bakaliputilila andumba pasyuumbwa nobakabatantila. Baka balya masiku.

Cifwumofwumo, mucembele wakajana ziyifuwa zyalo mungazi mobakaledede. Kabumbabana wakaamba, wakati, "Icaalila njadonga". Bomba ulye Malelo, Sikaki kutumwa nkokulya".

CIBALO 7

MWALUMI WATAKAJISI MAANZA

Kaindi, kaindi, kwakali mulombwana wakabweza lwendo kuya kuyandaula musimbi wakukwata mumunzi wakali kulaale. Mumunzi ooyu, mulombwana wakabajana basimbi babotu banji. Ooyu mulombwana wakali mubotu awalo pele watakaajisi maanza, nakuba kuti ooyu mulombe wakalilemenye, kataajisi maanza, musimbi omwe mubotu wakamuzumina akukwatana bakwatana. Ooyu musimbi taakakwe andaba pe kaambo kabulema bwamulumu wakwe wakamutambula amoyo oonse akumulanga mbuli Bantu boonse.

Nobakasika, timba wakambila musefwu, wakati, "Nkooko! Atutijaane lino tukazwe acibuwa eciya".

Bakaccijaana nkabela musefwu wakakakilwa kupaula Lusaka, wakapatila. Timba wakalupaula, wakasika kucibuwa ncobakabbejelene. Nocakaba ciindi kalinda musefwu, wakajokela nkubakatalikila kutijaana. Wakamujaana musefwu wimvwii biyo. Wakapatila, wakamubuzya, wakati, "Nkambonzi ncowasyaalila ano?" Musefwu wakati, "ndali kweena biyo ndiwe. Ndazundwa" Kubeja kuubya mutwe!

CIPALO 9

WANDICISA KASAMU NGOMA

aindi, kaindi, mucisi cimwi kwakali mwalumi wakakwete mukaintu wakali luzyala bana babotu kapati. Ooyu mulombwana wakali kwiitwa ati bausyi Ngoma kaambo mwana wakwe wakusaangana wakali Ngoma.

Ooyu mwalumi wakalijisi mulao omwe muyumu. Takali kuyanda kuzyala mwana musimbi, nkaambo kuli nguwe mwana musimbi taakajisi ncito pe. Wakaambila mukaintu wakwe kuti kufumbwa kuti akazyale mwana musimbi, ooyu mwana yakujaigwa.

Ooyu coolwe mukaintu wakwe wakazyede biyo basankwa balo bosanwe. Ono ooyu bayeeya kuti luzyalo lwamana, bakaintu bakwe, banyina Ngoma bakamita. Ooyu wakasika ciindi cakutumbuka, usyi Ngoma takajanika pe, aboobo basyi ooyu kutumbusya nibakabona kuti mwana wazyalwa musimbi, bakapangana kuti ooyu amusise mubwina bwakali mumsi mumsi amunzi kutegwa banyina kabaunka ooyu nyomunyonshya. Kuli bausi Ngoma, bakati ida lyanyongana aboobo mwana bakati bakindilila akumuyobola bayobola kale.

Ooyu banyina Ngoma bakali kuunka lyoonse kubwina kuya kunyonsya mwana wabo ooyu musimbi. Mwana wakakomena kusikila watalika akwaambaula pele ttakali kuzwa ooyu kubwina. Bumwi buzuba Ngoma abace bakwe bakatola Ng'ombe kukucela ooyu boona bakainda abwina aakali mucizyi wabo.

Ooyu balo mbwaakababonena bacilli kooko wakanjila mubwina bwakwe wabayuba. Ooyu boma Naakasika abwina aalya wakabubona akusumbula aboobo wakayeeya ooyu bakati ndiza kunjila Kanyama.

Ooyu bakati bakayandaula kasamu kabotu akucokonsa mubwina.

Ngoma naakacokonsa kasamu mubwina wakmwawa ciimba kaciti,
Wandicisa kasamu Ng'oma,
Mumunzi mwanu Ng'oma,
Takuzyalwi basimbi nee,
Kuzyalwa beembela Ng'ombe
Nzaili, nzaili, Ng'oma wandicisa.

Ng'oma wakatelesyesya kusikila wamvwa majwi oonse ngaakali kwaamba.
Naakabaambila bace bakwe pe, wakaya kukwambila bausyi abanyina ncakamvwa
mubwina. Bausyi Ngoma bakabuzyisya bakaintu babo. Banyina Ngoma
cibakazyi pa makani aaya. Banyina Ngoma bakapandulula zyonse zyintu
buzyakabede. Usyi Ngoma wakapenga kapati mumoyo wakayandisyisya
ubona mwana wakwe ooyu wakali kwimba mubwina.
Na Bantu botatwe, Ngoma, bausyi a banyina bakaunka kubwina mpoonya
ng'oma wakaconkosa kasamu alimwi.
Uyiyamwana musimbi lyakalimwinsya akaimbo kakwe kabotu.
Bausyi Ng'oma bakausa kapati mpoonya bakaambila bakaintu kuti bacite
bobacita kutegwa azwe mwana mubwina. Bakaintu bakasiba mulosi wabo
mpoonya cakazwa cana cisimbi cineneede alimwi cibotu akusubila pyuu.
Bausyi bakagunwa kapati, bakaide kuti atweende kumunzi tukasekelele
mwanaangu ooyu Mutinta walo wazyalwa sunu.
Uyiyamwana buzuba obu, bana basimbi bakazuminwa mumunzi ooyu.

CIBALO 10

SULWE A NSOZI

Sulwe a Nsozi bakali balongwe bayandana kapati. Zyiindi zyinji bakali kusobana
atomwe. Nokubakuti aaba bauka bakali benzyinina, Sulwe wakali mumpelenge.
Nyonse wakali kuyandaula nzila yakujaya antela kunjizya mwenzyinyina
mutenda.

Uyiyamwana buzuba Sulwe wakati "Mulongwangu nsozi, atusobane kasobano kabotu
ubwizu bubotu oobu. Kasobano nkakuyubana. Ono ndilasaanguna ndime
nyuba, webu undiyandaule, mpoona wandibona, kulayuba nduwe".
Mumoyo Sulwe walikuyanda kuti wayuba biyo nsozi, walo atalike kulyatauka
nguzu kutegwa amujaye nsozi. Pele awalo nsozi wakabee wanjila mumoyo
mwenzyinyina akubona cakaliko. Wakalyaambila mumoyo kati, "Ndilayuba
ubwizu bulamfu alimwi bundikonzyede kutegwa sulwe atandijayi amaulu aakwe
naambo ngu siluuni".

Wakazuminana balongwe aaba, mpoonya kasobano kakatalika. Wakasaanguna yayuba ngu sulwe. Insozi yakayandaula mpoonya muciiindi biyo cisyoono kamubona sulwe. Sulwe wakakondwa kubona kuti cakasika ciindi cakuti insozi ye mponya aijike ailye. Insozi yakayuba mubwizu bulamfwu alimwi ikonzeyeze. Walo sulwe wakayeeya kuti insozi yayubide mubwizu bufwaafwi. Sulwe wakayandaula akudibula bwizu kapati. Naakabona kuti sulwe wabudibula bwizu, wakalyaambila wati, "Yaa, cabota ndamubeleka mufwubafwuba, nokuba kuti insyekwe kumusunsa musinza pesi mbubo wafwa". Kacaamba bobu nsozi kakatalika kwiimba akaimbo kayo kanoonezya kaiti,

Mfwee kaka noba sulwe
Ncinzi ncomuyandila kundijaya
Mulaa luumi no ba sulwe

Mfwee kaka noba sulwe
Ncinzi ncomuyandila kundijaya
Mulaa luuni no ba sulwe

Mfwee kaka noba sulwe
Kamulanga wee mwagunwa
Mulaa lunya no ba sulwe

Mfwee kaka noba sulwe
Kamulanga wee mwagunwa
Mulaa lunya no ba sulwe

Sulwe wakayoowa kapati nkaambo walo wakazyi kuti nsozi yakafwa mubwizu. Insozi wakayeeya kuti nceelo ca nsozi cakali kwiimba. Sulwe wakalubweza lubilo lubilo bakambiki kutija kuzwa abusena aawo. Lyonse katuyeeya kuti luuni ndubi.

CIBALO 11

BALONGWE BOBILO

Wakaaaninga, kwakali nkuku a Ngulube.

Wabakali balongwe bayumu nta.

Wakali kuyandisyizya kweendela munsyila yomwe kufumbwa nobakali kulimwawa kuti nga beendeenda. Eeyi nzila yakali kwiinda mumsi mumsi a kung'anda bakali kujikil zyakulya zyamakwebo. Kufwumbwa nobakali kwiinda abusena bakali wa nkuku yakalikwaambila mweenzyinyina, Ngulube, kaiti, "mulongwangu,

vaibona ilya ng'anda mobajika akuulisya zyakulya, nindatali ndime eegwasyilizya, kikwanyina zyibotu, nanga kunyina makwebo omuya pe". Kumakani aaya, Ngulube tiyakalikuvwila pe". Yakali kulitondeezya buyokuusa.

Aka kakali nkakalengwa kabo buzuba abuzuba kufwumbwa baunka kuweendeenda. Bumwi buzuba Ngulube yakaingula kaiti, "Ma! Omwenzuma, kufwumbwa noamba amakwebo mung'anda iiya, akugwasyilizya kwako, neebo nduusa buyo nkaambo webo ngawagwasyilizya buyo wamana wasyala koli muzumi.

Pesi mebo ngankulipa buyo mubili wangu oonse – alimwi ndamana kugwasya, nanga nsyecili muzumi pe". Ngulube yakaya aambeke kaiti, "Ulandibona lyoonse waleta makani ang'anda yakujikila yamakwebo ndiboneka kuusa lyoonse. Nokuba booboo nkambo kafwuta aangu, mbondizyi kale kuti ndaa mafwuta kwiinda banyama boonse, Bantu balya nyama yangu bali neneede kapati. Eeci citondezya kuti ndaa mulimo mupati kapati kubumi bwamuntu".

CIBALO 12

MWIINGILE A NZOVWU.

Mwiingile wakaswaana a Nzovwu sikati, nkabela naakabona meja ayoo, amubili wayo mupati wakabilila, wakati, "Kayi meja anzovwu ilya ngaangu, nkabela amubili wayo nguwangu, bwami bwabanyama boonse abwalo mbubwangu

Wakaambila nzovwu nobakamana kwaanzyanya biyo, wakati, "Mwami, atukanywe meenda kudambwa".

Bakaya nkabela nobakasika afwifwi bakati, "Nguni utikatangune kunywa".

Inzovwu yakati, "Ncibotu uyakutaanguna kunywa nkaambo nduwe wakasya dambwa lyameenda".

Bakasika adambwa, nkabela Mwiingile wakatanguna kunywa meenda.

Wakaavundaanya meenda naakamana wakazwa anze. Inzovu yakanywa ayalo meenda akavwundeene, nkabela munsyundu wakailuma mukati mumubombo.

Yakaumputa mubombo wayo amusamu kuti munsyundu azwe. Munsyundu wakakaka kuzwa. Yakalyambauzya, yakati, "Muukanzi wandiluma utazwi? Muukanzi wandiluma utazwi?" Munsyundu wakalamatila mumubombo. Inzovwu yakafwa.

wiingile wakali kuyeeya kuti, nzovwu yafwa ulakomezya mubili wakwe mbuli anjiyo, nkabela ajane meja ali mbuli ayo, elyo abe mwami wabanyama boonse. ele wakagambwa naakajana kuti ncaakali kupengela taakacijana inzovwu oyakafwa.

wakansa nkaambo nguwavwundumuna munsyundu wakaluma nzovwu umubombo. 'Ingo'ombe ntaanzi inywa meenda mabotu'.

CIBALO 13

INZOKA A CULA

indi, kaindi, inzoka yakayanzene cilongwe a cula. Aba banyama bakali swayana akucita zyintu antoomwe.

mwami buzuba, inzoka yakabweza lweendo kuyoswaaya mulongwe wayo cula.

la tanakazyi kuti nzoka yakali munzila kuboola kumunzi wakwe.

ubu buzuba cula wakali kubabwida munzi wakwe akaimbo kakuti bwizu bwakali mpide kapati. Mulilo wakali upati cakuti inzoka yakasola kupanga odi, pele cula nakamvwa pe. Inzoka yakayeeya biyo kuti yuunke amunzi wa cula nakuba kuti la takavwila.

no nzoka mbuyakalinjilila syokwe lyakali mumbali mbali amunzi wa cula, mulilo yalo wakaboola anguzu nkweena kulubazu kwakabedede nzoka.

oka yakasola kulunduka, pele tiyakacikonzya kuusiya mulilo. Nzoka yakapya aili kuda calo eeci cakapa kuti inyeme kapati.

kayeeya kuti cula wakacita caali kuumpa mumbambali aamunzi wakwe tegwa ipye. Cula wakasola kulilekelela akuisyomenzya nzoka kuti ulasola yandaula musamu, pele nzoka tiyakateelela pe.

zwa buzuba ubu, cilongwe ca nzoka a cula cakamana. Inzoka yakaambila cula ti kufwumbwa baswaana bano kulwana. Ambuli sunu inzoka kuti yabona cula mumena.

CIBALO 14

MUVWIMI A FULWE.

uzuba bumwi mwaalumi muvwimi wakabweza fulwe mupati musaka. Wakamutola ku banakwe kuti bajike, bakalye antoomwe abana. Banakwe wakatambula nyama yafulwe alukondo. Bakalumba, bakati, "Twakabomba usyi eene! Sunu tulasunsa cisyu cibotu".

Muvwimi wakaya kukulinga tombwe kumwenziyinyina, bana bakali kusobana muvwu anze. Banyina bakajika nyama yafulwe mung'anda, nkabela noyakabizwa wakailya yoonse balikke. Bana ausyi bakabaima, nkabela bakabajikila nkumba.

Muvwimi wakanyema bana nobakamutolela nkumba. Wakababuzya, "Bana, nyama ya fulwe yaya kuli nommweeta nkumba kucipala?" Bana boonse bobile bakati, "Tatwiibwene nyama ya fulwe".

Wakabuzya banyina bana, abalo bakati, "Nsiibwene nyama ya fulwe. Antela bana bakailya. Babuzisisye!"

Alimwi wakababuzya bana bakwe, wakati, "inywebo bana bangu, muli bakabuyabi! Mwiitola kuli nyama ya fulwe". Bana bonse bakati, "Iswe tatulide nyama ya fulwe pe".

Muvwimi wakagambwa, nkabela wakambila banakwe aban bakwe, wakati, "Ino mukya nyoonse, nguni walya nyama? Ndakuvwima fulwe kuti toonse tulye, nkabela nywebo mwandiima. Lino njooinga kakole akati kalwizi, nkabela toonse kunangalike ali nkako, tukabone walya nyama yafulwe".

Wakalandabika kakole akati kalwizi. Wakakasunga mutala alimwi wakapiluka mukoomwe nkwakasiide bana abanakwe. Wakabaambila, wakati, "amulange kuti kibotu nyoonse, toonse tuzabuke lwizi akakole aka. Tunangalike alingako, wakasike mutala omuya". Wakasaanguna kunangalika akakole, wakasika mutala wakawizi.

Wakasule, kwakanaqangalika mwana mupati. Wakazabuka alakwe. Lwatatu, wakanaqangalika mwana mucece, alakwe wakazabuka. Kumamanino wakanaqanganika banyina bana. Basike biyo akati alwizi kakole kakadunsuka.

Wakadumpukila mumeenda, nkabela bana ausyi bakazyiba kuti mbibakalya nyama ya fulwe. Bakabanuna mubwato kabatana fwa ameenda. Kuzwa wao, wakatumbe wakeempa, wakati, "Ndeempa sunu! Nsekabbi limbi mubumi bwangu".

Boonse nobakali kunangalika akakole, muvwimi wakali kwambila kakole, kuti,
"kakole dunsuka tubone mubbi! Loozi munsuka tweebe mubbi!"
Dombe kumbila, ubi bwadombe nkubba'.

CIBALO 15

MUSIMBI A NYANGU

Kwakali musimbi wakalimide muunda wanyangu. Nkabela lunyangu
helwakazyala, zyakatalika kululya insya. Musimbi wakamucisa moyo, nkaambo
ncecilyo ncaakalimide cilikke.

Katakonzyi kuziyiteya makole. Alimwi wakayoowa kulinda lunyangu alike masiku.
Wakakombelezya basimpongo botatwe, basyikumusyida mulindi mumbali
amnuunda. Basimpongo bakamusyida milindi milamfwu, ili kkumi.

Muzyibaka zyakacaala bakanangamika tukutu twabasiluwe.

Kumazuba musimbi wakaima akati kamuunda, acuulu. Wakoongolola, wakati,

Nakasya yoo!

Kozya tulye lunyangu,

Kweenda, tuulye lunyangu.

Oku kuli bulindi-bulindi,

Kozya, tulye lunyangu.

Insya lwakazyikonda lwiimbo lwamusimbi nozyakalumwa. Zyakatambana kuti
zyikamugwasye kwiimba, kukamba akuzyana. Imwi yakati, "Wi-li-li-li-li! Swilila
lwiimbo kumacelelo esu! Amuleke kunyeela ntuntulwa akupulukuta munyengele.
Tweende, tuyoolya lunyangu twakuleka kwiimba akuzyana".

Zyakalede azyakali kucela zyoonse zyakaya kumuunda wamusimbi, nkabela
zyakawida mumilindi zyimwi nozyakali kuccijanina lwiimbo.

Musimbi wakakondwa kapati, wakalumba basimpongo bakamusyida milindi.

Wakasekelela, "maawe busiko bwangu! Maawe coolwe cangu!

Lunyangu lwangu lwafwutuka, lulazyala, njofwutuka kunzala".

Wakaita basimpongo bakamusyida milindi. Bakabweza insya, bakazyitola
munzi akukondwa kugambya.

CIBALO 16

INKUKU NCOZIYANGILA ANSI

ena mwakatubona kale twana twankuku kuti tulatalika kuyanga notuba
buzuba bomwe bwakukonkonwa kwato. Ndamwambila ncotuyangila ansi.

aindi kaindi misika ciindi noyatakali kuuluka yakali balongwe ankuku.
umwi buzuba musika wakabwezela nyeleti yamaseese njakali kusumya mapepe
uteeti auluke. Inkuku nozyakabona mulongwazyo mujulu mule-mule kauluka
abotu kabotu azyalo zyakayandisisya kuuluka.

akalomba nyeleti zyakati, "Basa, amutwaabile nyeleti yanu, aswebo tuyanda
uluka, cilanoneenzya kuuluka".

usika wakati, "Pepe! Ambweni mulaisowa elyo tusulane".

kuku zyakati, "Tusyome buyo Tuliibamba tatukwe kusowa".

ciba kaindi musika wakazumina kubaabila nyeleti yamaseese, pesi wakati,
uzyikuba balongwe babi kuti mwisowe nyeleti."

usisya kwamba kuti inkuku yakasoka kubelesya nyeletiyakiisowa.

sika abanabakwebo basankwa abasimbi bakanyema kapati, nkabela bakatalika
aya nkuku.

sika wakati, "Tuzyikuba basinkondonyoko ccita mukiibone nyeleti".

sika lino inkuku zyilayuba nozyabona musika kauluka mujulu, nkabela nainda
azwa akutalika kuyanga ansi. Ambuli sunu zyiciyandaula nyeleti yakazimina
ndi.

CIBALO 17

NCALAA MAAMBA MAYUMU FULWE

ve ngomunyama wakacalizya kubambwa aboobo zyonse zyakacaala
ubamba banyama bamwi zyakabelesegwa kubamba nguwe.

pegwa mulaka muyumu mbuli waceta, mulomo wakayuni kakaba nkakanwa,
we mbuli wanzoka, mauulu akwe akumbele taakozyenye aamusyule.

Nekuba booboo wakali kukondwa kapati akukKala antoomwe abanabokwabo mutanga mbuli banyama bamwi.

Bumwi buzuba naluntaambwe wakati kuli fulwe, "Musaama, nkaambonzi ncoli mubi bobu?" Fulwe wakaingula wakati, "ndimubi inzya, pesi nyama yamubili wangu ilanoona kapati kulya kwiinda nyama zyabanyama boonse".

Naluntaambwe wakali munyama ubeja kapati, utaayobooli twaambo, mbuli Bantu bamwi. Wakatalika kumwaya makani aya konse-konse mule-mule amufwaafwi. Banyama bamwi nobakamvwa kuti nyama yabafulwe ninono kulya bakatalika kubajaya boonse, abantu abalo bakali kujika musinza wafulwe.

Bafulwe nobakabona kuti bakali kujaigwa kapati bakatija bakaya kunjila mumpako yamusamu. Bakati kumusamu, "Omusamu kokomena alindiswe". Musamu wakazumina. Boonse bafulwe bakaba amakwa mayumu amibili yabo. Pesi bakatalika kubwentelana nkaambo kwanyina aomwe wakazumina kuti ngowakaambila naluntaambwe bunono bwanyama yabo.

Bakkaleka kukkala mumatanga aboobo lino tokonzyi kubona bafulwe bobilo kabeenda alimwi; nkambo bacinyemezyenye alimwi nkakaambo ncobakkalila umwi awa aumwi aalya alike.

CIBALO 18

KULOMBA MVULA ABUUMI BUBOTU

Bantu bamugundu lya butonga bakali bantu bakali kuyoowa yooyo wakali mupati kuli mbabo. Walo oyo wakali anguzu izyatakali kukonzya kwezyanishigwa anguzu zyamuntu naba omwe wakazyalwa kumukaintu.

Bakali kumuyoowa ooyo wanguzu kutali zyakudadanyana kubweza mukuli uulema antela nguzu zyakulwana. Balo bakali kulonda yoyo ula nguzu zyamola na lwiyo. Oyo wakakonzya kulenga zyintu nzyotubona sunu mujulu amunyika munu. Aawa takwaambwi Ndeke, zytima, myoota azyimwi peepe.

Kwaambwa nyika, julu, nyenyezi, zyuba, mwezi, lwizyi, zysisamu, Bantu, zyuuka, banyama azyimwi zyoonse. Bakali kuti ooyo walo ukonzya kwendelezya bumi bwabo kabotu-kabotu. Wakali kukonzya kubapa nzyobabula, mbuli meenda.

Bakalizyi kuti nkwali kujulu wakabalenga. Bakali kunga kuti mvwula yabula, mpoona zyisyango, mbuli mapopwe, zyatalika kuneta, Bantu bakali kuunka kumwiiminizi wabo kuti abalombele kuli Leza ncobakabulide.

Bakali kutolelezya ngo'ombe antela nkuku isiya yakuyojaaya.
Ooyu mwiiminizi wakali kukonzya kubalombela Kwa Leza, Mulengi, munzila njobakatali kukonzya kuteelela. Mumakani aciindi amu Butonga tulateelela amakani aamwami Moonze aa Mwami Chibwe kaaluulwa abapati, ibakapona kaindi. Chibwe wakali mwami wakaboola muni kali Moonze wakafwide kale. Kwategwa mwami Moonze wakali kubagwasya bantu muzyiindi mbuli nobakali kubula meenda. Bakali kuunka kwa Moonze kuti bapenga kwiindilila, kabayanda kuti bagwasyigwe. Bakali kubelesya matansyi aabo kukamba nkwas. Ncobakali kukambilila boobu nkwamba kuti, "twakomba utugwasye".

Nceenciceeci ncotwaamba kuti, kukomba. Eelyo abalo bantu bakapona ciindi eeco mbubona bakalikukomba. Inzya masimpe bakalikukomba, akulikombelela kuli Moonze kuti abaffwide nkumbu, abalombele, ceeco nco bakalikubula kwa Leza. Kaambo ako kalakonzya kusyinyigwa kwindi mumajwi aanyimbo nzyobakali kwiimba Bantu ciindi ncobakakomba, kumwi kabauma nkwas kuti, Vwu! Vwu! Vwu! Bakali kwiimba kabati;

Omwami tulomba moza tupaile ndiwe lino,
Nomakungwe tulomba moza tupaile ndiwe.
Namakungwe wee, namakungwe wee,
Namakungwe tulomba moza tupaile ndiwe
Omwami tulomba moza tupaile ndiwe lino,
Chilenga, tulomba Moza tupaile ndiwe,
Chilenga wee Chilenga wee,
Chilenga tulomba Moza tupaile ndiwe.

Inga nobavwemuka boobu kwiimba kumwi zyilalila nkwas, tazyileki pe.
Mumajwi alwiimbo olu Bantu ngobalomba tali Moonze, pesi ngu Namakungwe, Chilenga, ooku nkokwaamba Mulengi wakalenga bantu azyintu zyoonse zyipona azyitaponi. Eelyo mwami ooyu ngu Leza, Mulengi wakujulu. Alimwi bakali kwiimba abati:

Tukambilile Syabuswa,
Twimbile Mwami Leza,
Tukombelele utulela ,
Tukombelele Mwami Leza.
Tukambilile Mwami Leza,
Tukombelele watulenga,
Tukombelele Mwami leza.

Bantu aaba bakali muzyi ncobeni Leza Mulengi wajulu anyika kuti nguwakabalenga alimwi nguwakali kukonzya kubagwasya.
Muzyiindi nzyobakali kubula munzila imwi, bakali kuyeeya nguwe.

Leza wakali kubagwasya akubavwuwa bantu aaba, kayi wakali kubapa mwwula kuti balomba.

CIBALO 19

CIPEMBELE A NDUDWA

Kaindi indudwa yakali ansingo mfwaafwi mbuli cipembele. Bumwi buzuba yakaswaana amwenzyinyina cipembele nkabela yakatalika kubwenta nkaambo mani akali kulula.

Cipembele wakazumina wakati, "Banyama balyatauka abwizu bavulisa, aboobo inga cilabota kapati kulya matuvu mateteete atalaa misamu. Atubuzye mulongwesu muntu, antela ulatugwasya".

Bakaya bayandaula muntu. Nkabela bakamujana eelyo bakamwaambila mapenzi aabo. Muntu wakati, "Eena, eco tacikatazyi mukabole cifumo isyikati nzikumupa mucelo wakulya uuzyikulampya maulu ansingo zyanu, kuteeti kamukonzya kusika atala amisamu".

Nobwakaca, indudwa ilikke njiyakaunka aciindi ncobakapangana amuntu. Muntu wakiipa ndudwa misamu yoonse, nkabela niyakalya eyo misamu maulu ansingo zyakalampa, nkabela yacikonzya kusika atala amisamu ali matu mateteete. Nekwakainda ciindi, cipembelele wakasika, pesi cileetezya kwaamba kuti wakajana micelo yamaseese yamana. Cipembele wakayeeya kuti antela muntu wamuunina nkabela wakanyema.

Kuzyila ceeco ciindi cipembele ucinyemedede, alimwi kuti waswaanya muntu musyokwe ulamutanda.

CIBALO 20

BASOKWE NCIBALAGIKA MBULI BANTU.

Kaindi, kaindi, kwakali nzala mpati ansi, nkaambo kwakanyina azyilyo yakakomena. Eelyo Bantu bakaamba kuti, "Zyilyo azyiyobolwe acibaka comwe, nkabela tubikke balombwana basyomeka balindizi kuteeti kabatanda babbi". Balombwana bakabikkwa kulindila bakali kusyomeka kuti tabakwe kuna kubba zyilyo.

Pesi bumwi buzuba aabo balombwana bakali kulindila bakajanika kabalya zyilyo. Muntu bakanyema kapati, aboobo bakabatola ku Mwami mupati kuti bakaketekwe.

Mwami wakati kuli mbabo, "Nyoonse mulangika bayumu alimwi bazyandamene nkaambo mwakali kulya zyilyo nzyomwakaambilwa kulindila. Nsikwe kumujaya pe, pesi ndamufundisya ciiyo ncomutakwe kuya kuluba. Ndamusandula kuti mube banyama balangika mbuli Bantu. Bantu bazoomitanda muminzi yabo nkaambo lyoonse muna kuyanda kubba. Muna kuponena mumisamu ciindi camupeyo nokutontola iswe notuyota mulilo. Tamukwe kuna kukkala andiswe lyoonse".

Babbi baya bakasandulwa basokwe nkabela nobakabona bubu bwabo bakaba abweemya ampela lyabeenzinyina bakatija akuya kuyuba musyokwe.

CIBALO 21

SUNTWE NCAENDELA MBULI CILEMA

Syena mwakabona kale mbwaenda suntwe munzila italuzi. Ngusulwe sikuunina wakacita kuti kaenda boobu.

Bumi buzuba sulwe asuntwe bakali kweenda antomwee. Suntwe wakatalika kuseka (basuntwe balaseka tunji-tunji), akuti kuli sulwe, "Maawe! Syena nkusesya nkoweenda! Antela maulu ako amusyule aloongomene".

Sulwe wakataba wakati, "Macu! Syena ulakonzya kundigwasya?"

Suntwe wakazumina wakati, "Ii musa, ndakonzya".

Sulwe wakati, "Mbubo, kofwinya kumeso, nkabela weende cimfutemfute kusikila ciindi nenti kwambile kwiima".

Kubula mano kwasuntwe, wakacita mbuli mbwakaambilwa, mukucita booboo wakawida mudindi damfu.

Cileetezya kwaamba kuti suntwe naakabuka wakanyoowa kubona kuti maulu akwe akusyule atyoka. Munzila eyo sulwe wakacita kuti suntwe kaenda mbuli nguwe, akulumbula suntwe nkaambo wakamuseka.

CIBALO 22

MUBWA A MWAABA NCOBATENDELANI.

Kaindi, kaindi Bantu Bantu bakali kuvuba babwa a ba mwaaba kuti kabalindila lubono lwabo. Bumwi buzuba muntu wakajisi mubwa a mwaaba wakati kubanyama bakwe, "kamulanga kuti kunyiina ntiboole kuzyikubba nyama yangu mbotu njindasiya mung'anda yangu". Azwe biyo muntu uulya, mubwa wakatalika kulya nyama wakiimana yoonse.

Muntu naakapiluka wakabuzya abukali, wakati, "Nguni wandilida nyama?"

Mubwa wakavuwa akunyandwa ubaanga kunyina ncabwene wakati, "sena tiiwo? Nkokuti kuli waboolede kubba notwali kusobana anze a mwaaba".

Mwaaba wakamvwa kubeja kwa mubwa wakanyema. Wakati, "Ulabeja webu. Ndali kubwene nooli kwiilya. Kamulanga mwami, mulakonzya kubona tunyamanyama kumulomo wakwe". Nkabela mpoonawo muntu wakajata mubwa akumuvwimbula cisubulo.

Mubwa wakanyema kapati kubona kuti mwaaba ngusikubejelezya. Aboobo tiikwakainda kaindi mubwa wakaluma mwaaba ciyoosya akumutanda mumunzi wakati, "Kuti nkakubone muno mumunzi, nzikukuluma alimwi."

Kuzyila ciindi eeco mwaaba ulayoowa kukkala antoomwe amubwa, awalo mubwa ulasola kutanda mwaaba kuti amujaye, nkaambo taanaluba kuvwimbulwa nkwakavwimbulwa, naakamwaambilizya mwaaba.

CIBALO 23

SYAAMACULA NCAKOLMOKELA KULILA.

Mumyaka yakaindi syamacula wakali kukonzya kwiiimba cinonezya mbuli bayuni. Bumwi buzuba, syamacula ambeba bakali kweenda antomwee nkabela bakajana nyama ilabila mumpoto yalubulo.

Mbeba yakati, "Musa atuiye nyama katana kusika ulaayo. Koilabila webu tubone kuti antela yabizwa, mebo ndanda kulanga kubona kuti kunyina uboola".

Syamacula wakaingula wakati, "Inzya musa, pesi utalubi kundambila wasika ulaanyama". Syamacula wakavundula mumpoto wakasala cituli cibotu canyama akucaaka mukanwa.

Mpoonawo ulaanyama wakasika, pesi mbeba akaambo kaboowa bwayo yakatija kunyina akumwambila mweenzinyina. Syaamacula walo wakaile kubeja koono. Inyama mukanwa yakamuumpa alimwi akaambo kakukomena kwayo takacikonzya kumena aboobo noimuumpa buti wakaile kuumuna kunyina akuputauka nkaambo wakali kuyoowa kuti ulamvugwa, nkabela asubulwe. Nocakaba ciindi cilamfwu wakalaanyama naakamana kulya wakeenda. Nelyakabbila zuba syamacula wakasola kwiimba mbuli lyoonse pesi cakaala nkaambo akkulumino akali zicisa, wakacikonzya buyo kukolomoka. Ambuli sunu, cakaile kuba cilengwa cakwe.

CIBALO 24

NCANYINA BOYA CIVUBWE.

Muma zuba akaindi, civubwe naakali kuponena anyika njjumu muteesyini mumilonga mbulu mbwacita sunu wakali munyama mubotu.

Boya bwakwe bwakali bulamfu busubila alimwi bunji mbuli bwamangoye waku persia.

Boobo banyama boonse bakali kuyanda kuba aboya mbuli bwacivubwe, pesi wakali kubuyandisya kapati nindudwa. Indudwa yakatalika kuyanda nzila akunyonyoona boya bwa civubwe.

Alimwi buzuba nokwakali mpeyo mpati, indudwa yakati kuli civubwe, mbwacivubwe, kubaanga mukankama mpeeyo. Pesi kasimpe nomukankama boobo tamukonzyi kuliwaala mukazyiba kameenda nkaambo mulayoowa kuti boya bwanu obo bunji tabukonzyi kumuvuna kuumpwa amenda".

Civubwe sikulidunda wakavwila, wakati, "Kasimpe cisalu cangu eeci cilakonzya unditabilila". Nkabela mponawao wakaliwaala mumenda abila. Cilansuisya mwamba, kubona kuti meenda akamuumpa cibyaabi civubwe alimwi mawe! Boya bwakwe boonse bwakanonsauka. Kuzyila ciindi eeco kusikila sunu ukkala mumilonga kuteeti alitontozye amubili. Indudwa munyama mubi wakaunina civubwe, aboobo ambuli sunu unyina aboya amubili wakwe.

CIBALO 25

NCASEKELA SUNTWE

Mbukaaninga, Suntwe wakaya bwendeenda musyokwe nkabela wakajana mweenzinyina sulwe.

Suntwe wakati kuli sulwe, "mbudene musa sulwe, ujisi makaninzi bwasusu?"

Sulwe wakamwetamweta wakati, "Ncobuzya! Ndabona munyama usesya ncobeni".

Suntwe wakati, "Inga! Ino uli buti? Sena ulaamala antela tulolomi?"

Sulwe wakavwiila, "tajisi Zyoonse ezyo. Matende akwe akozya kasamu kalaampanda".

Suntwe wakabuzya wakati, "Mawe! Ino ulangika buti amubili?"

Sulwe wakamwetamweta wakaingula wakati, "Ulakonzya kulisandula mbuli mbwayanda – Ulakonzya kusiya, kusubila antela kuba mungunga weji!"

Suntwe wakatungumana akuti, "Sena ulaameso mbuli esu?" Sulwe wakati, "Peepe mawe musa. Liso lyakwe lyalumwensyi nalilangide kumbele lyalulyo lilakonzya ulanga musyule".

kaambo aka kakainda mumweelo, mpoonawo suntwe wakabbosyoka anseko. mbuli sunu nomumumvwa kuseka masiku suntwe kamuyeeya kuti wayeeya kaakambilwa asulwe.

ena mulakonzya kuzukula munyamanzi ngwakali kwaamba sulwe? Kwiina umbi gunaluntaambwe.

CIBALO 26

NCAYOWEELA MBEBA MUZOVU.

angikaanga bufubafuba kubona kuti muzovu mupati singuzu uyoowa mbeba, nyama kaniini, pesi nkasimpe kuti ulayoowa.

mwi bantu babmba kuti muzovu uyoowa kuti mbeba inga ilanjila mumpemo musondesya. Amuswiilile mwaambile caano:

Mbukaaniga! Kaindi kaindi muzovu wakali kuciswa kuufu kapati, alimwi tikwakali kupona. Bumwi buzuba mbeba yakamubona muzovu mumapenzi akuciswa kupati.

Mbeba yakabuzya yakati, "Mawe! Nobamuzovu, ino mwabaanzi?" Nkabela muzovu wakayaambila mbeeba zyoonse zyakuulu kwakwe kucisa.

Mbeba yakati, "Amuleke mugwasye". Mpoonawo mbeba yakatalika kusilika kuulu kwamuzovu.

Nokwakainda mazuba ongaye buyo kuulu kwakapona. Muzovu wakati, "Noba mbeba nzikomulumbula kumapenzi anu ngomwajana mukundisilika".

Mbeba niyakaunka kutambula bulumbu muzovu wakati, "Ukaboole buzuba bumbi". Nkabela muzovu wakali kwaamba mbubonoobo ciindi cilamfwu.

Aboobo muzovu mubi nabona mbeba ulayoowa nkaambo uyeeya kuti, "Antela mbeba ilandibuzya kuilungila cikoloto."

CIBALO 27

NCOBAYANDANINA BACIBIZE ABAMUNYUMBWE

Kuti waunka musyokwe mucisi ca Africa ulajana kuti cibize amunyumbwe balayandana kapati, alimwi baleendeenda antomwe mutanga.

Bumwi buzuba cibize wakati kubanyama nyina, "basa amundigwasye kutanda ciwena nkaambo tamubwene syena mbwaatumana? "Banyama bakawwila, bakati, "Ma! Peepe musa, swebo tulamuyoowa ciwena". Nkabela munyumbwe wakati, "mebo ndakonsza kukugwasya kuti uzumine ncoyanda kuti tucite".

Cibize wakabuzya, "Ino uyanda kutyani?" Munyumbwe wakati, "Atwaanywe meenda oonse ali muzyiba nkabela tuzyookonzya kumnubona ciwena akumujaya".

Cibize wakasumina wakati, "Inzya musa eyo ninzila mbotu". Mpoonawo munyumbwe acibize bakatalika kunywa meenda.

Kucenjela kwa ciwena! Naakabona kuti ncinzi cakali kucitaika – wakafwaambana kuzwa muzyiba akutijila kumulonga mupati wakali kullaale-laale. Bacibize

amunyumbwe bakamujata akutalika kumuluma akumulyatauka, wakaba azyicisa alimwi wakanyema nkaambo kayindi ciwena wakali alukanda lubotu luteteete. Bacibize amunyumbwe bakamuluma kapati eelyo wakazimba mubili oonse. Zycisa zyakwe zyakasanduka akaba mamba ngajisi ambuli susnu. Limwi ciwena wakabbila mumulonga pele lukanda lwakwe lubotu lwakanyonyookela limwi.

Cibize amunyumbwe kuzyila ciindi eco ambuli sunu mbalongwe babotu. Nobaunka kunywa kumulonga balangisya kubona kuti kunyina ciwena nkaambo awalo ciwena ucilindila kubapa cifuwa ncobakamupede.

CIBALO 28

INSILIBI A MUZOVWU

Kaindi loko, a nsilibi bakali kukkala mucilawo comwe. Akaambo kamubili mupati, muzovwu wakali kulidunda kapati kubanyama bamwi kuti ngomunyama alike uula nguzu zyinji alimwi nguukonzya kukoma banyama boonse. Banyama banji bakalikukkala mucilawo eci bakacimwa kapati kumvwa kulidundwa kwa muzovwu. Eelyo bakasola nzila nzyinji kusola kwaambila muzovwu kuti aleke kulidunda, pele muzovwu taakateelela.

Akaambo kakutamvwa kulaigwa kubeenzyinyina, muzovwu wakaba abasyinkondonyina banji. Bonse basinkondonyina aaba bakamubikkilila muzovwu. Umwi aumwi wakayandisya kuti Kubota balwana amuzovwu kutegwa babone uula nguzu zyinji. Muzovwu wakalikubakoma boonse mbubakalwana limwi.

Bumwi buzuba insibili zyakanyema akaambo kakuti muzovwu wakainda amunzi wazyo. Wakazyilyatauka kapati akujaya nsilibi zyinji. Nacita boobu, wakalikulidunda kati, "kunyina munyama mubotu alimwi ulaamubili mupati anguzu zyinji mbuli ndime. Kumvwa boobu, insilibi zyakanyema kapati. Zyakapanga muswaangano akupangana kuti zyikamulwame muzovwu.

Mbubwakaceda biyo, insilibi zyaskabweza lweendo kuya kucilawo kwakali kukala muzovwu. Zyakamujana ulalidunda mbuli lyaonse. Kakunyina akusowa ciindi insilibi zyakamutanta muzovwu, zyimbi zyanjila mumubombo, zyimwi mumeso amusyibaka moonse muteteete. Zyakamuluma kapati muzovwu. Muzovwu wakalila kapati akuzyilomba nsibili kuti zyimuleke, pele tiizyakazumina. Zyakamuluma.

CIBALO 29

MATALIKILO ALUFWU AZYIMWI ZYIBYAABI.

Kaano kamatalikilo alufwu azyimwi zyibyaabi kaanwa abatonga nkaaka. Leza mbwakamanina biyo kulenga bantu ba Mwaanga a Mwanambuli, wakalenga nsolo akwiipa zyina Iya muyumba. Insolo, Leza wakiipa zyibiya zyakavunikidwe kabotu-kabotu zyaratwe. Leza wakaambila nsolo kuti itole zyibiya ezyiya kubantu bakwe ba Mwaanga a Mwanambuli. Insolo yakapegwa malailile aaya: Kotola zyibiya eezyi kakunyina akuzyijula munzila, alimwi yakambilwa kuti ikabaambile banaukwetene kuti bakajule biyo zyibiya zybilo zyakajisi mbuto, nkaambo cibiya cabutatu mwini Leza aakuboola anyika nguyoocijula akupa malailile kwendelanya azyakali mukati kacibiya eeci.

Munzila muyumba wakaalilwa kulijata nkaambo wakayandisya kuti abone zyakali muzyibiya. Zyibiya zybile zyakusaanguna wakajana ziyjisi mbuto zyindene indene eelyo wakazyijala alimwi. Insolo mpoonya yakajula cibiya catatu – cakajisi lufwu, kuciswa azyimwi zyintu zyakazwa mucibiya akutija. Mayumba wakaalilwa kuzyijata nkaambo zyakalundukila mumbazu zyoonse.

Leza wakaboola akwambila munyumba kati, "Wandilubizyila kapati aboobo welede kuzumina kutambula mulandu ooyu". Mbuyakamvwida boobu nsolo yakaulukila musyokwe akaambo kakuyoowa. Kuzwa boobu buzuba, nsolo ikkala musyokwe kulaale abantu.

Leza wakaambila Mwanambuli a Mwaanga kuti mayumba wakalilwa kulijata aboobu wajula cibiiya ncindaambide kuti atajuli. Wakati zyibiya zyakusaanguna zybile zyakajisi mbuto kakuli catatu cakajisi lufwu azyimwi zyinyama zyluma mbuli basyuumbwe, ba Siluwe a nzoka alimwi azyibi zyinyama zyibi. Ati ceeci cacitika kale aboobo kunyina cinga cacitw kujosya zyintu eezyi nkaambo zyatija zyamwaalila kuzyijata. Wakaambila bantu aaba kuti batalike kuyaka manda kutegwa kabalikwabilila kulizyeezyo zyiyosya – zyakacica kuzwa mucibiya catatu.

CIBALO 30

INZALA NKALONGA

Mukaniinga, kaindi kwakali munzi uumwi. Mumunzi ooyu kwakaba nzala mpati. Ooyu munzi wakalijisi bausyi-bana, banyina a bana bone, basimbi bobile abasankwa bobile. Bausyi bana aaba bakali kulida nzuki.

Munene ooyu wakali kucita kuti aunka musyokwe kuya kuvwima, kunyina munyama ngwaakali kujaya nkaambo banyama bakaunka kule. Lino kwakali biyo buci musyokwe. Oobu buci wakali kucita kuti abuleta kung'anda, nkubusisa kumbali a munzi kucita kuti bana abakaintu batabuboni pe. Eeci cakaba ciyanza cakwe akaambo kanzala yakaliko. Wakalikucita kuti masiku nkuzwa kuya kukubikka buci munongo mpati njakavwikilide mudindi ndyakasyide. Atala adindi eeli wakabikkide cisenke mpoonya wabikka bulongo a twe atala. Wakasekka Katete kakajisi kapulo kakuswiintilila buci.

Munene ooyu wakali kucita kuti kufwumbwa afwa nzala nkubaita bana kuti bazyo kumwimbile naswiinta buci. Bana abakaintu wakali kubacenga kuti ulya twe. Ciindi munene ooyu naakali kuswiinta buci bana bakali kwwimba akimbo kabati:

Tata uulya twe

Taata ulya twe.

Ooyu mudala wakacita cilengwa eeci kwamazuba manji bana abakaintu kabatazyi kuti mbuci mbwakali kulya. Bumwi buzuba wakaunka musyokwe kuti akalide bumbi buci. Mbwakazwida bana bakabweza kasanga kapulo akukabika mbuli usyi mbwakali kucita. Wakali mupati wakati, kubasyonto bakwe, amundikambilile.

Beenzyinyina bakatalika kukamba akwiimba akimbo nkobalikwiimbila bausyi mazuba oonse. Mwaana ooyu wakaswiinta buci, wamvwa canona, alimwi wapilusya wamvwa canona Iyo. Mpoonya wakapa bana bakwabbo boonse abalo bakamvwa canona. Mpoonya bakayeeya muzezo wakugusya nongo; nkujana nongo yakazwide buci, bakayita banyina bazyokubone cakalikucita mulumi wabo. Banyina bakanyema kapati akubweza buci akubusisa. Mpoonya bana bakabweza nongo akuibikka itwe akwuvumba bulongo atwe atala.

Lino bausyi nibakajoka bakaindilila biyo kucilido cabo nkaambo nzala yakali bajisi kapati. Bakaita bana mbuli lyoonse, kuzyi kuswiinta, bamvwa calula, ilwabili bamvwa nditwe. Bakanyama akubatanda bakaintu antomwee abana. Mpoonya munene ooyu wakacaala alikke, wakatalika kuciswa. Bulwazi bwakasika nkobulema, eelyo kwakabula wakumulwazya, kumupa meenda, kumujikila alimwi akumujitila zyoonse nkaambo tanaakali kukonzya nociba comwee. Mpoonya wakayeeya mukaintu wakwe abana bakwe. Nokuba boobo eeci tiicakali kumugwasya pe, aboobo wakalifwida munga'anda alikke.

CIBALO 31

SULWE MUZOVWU A CIVUBWE

Mukaniinga, kwakali sulwqe walo wakaunka ku muzovwu akumwambila kuti, "Muzovwu ndiyanda kuti tukakwelane kutegwa tukabone ulaanguzu uyookwela mweenzyinyina". Muzovwu wakati, "Cee yebo sulwe, ulandifubaazya, uyeeya kuti yebo andime nga tweelana nguzu". Mpoonya bakazuminana buzuba bwakuyookwelana antambo. Nkaanga sulwe kakalidunda kuba aanguzu zyingi ono eeci cakanyemya muzovwu wakayandisya kapati kuti atondeezye nkanga sulwe kuti ulaanguzu kukainda.

Sulwe wakaunka kuli civubwe akuyokumwaambila mboonya mbwakambila muzovwu. Bakazuminana buzuba mbweena alimwi aciindi nceena ncibakazuminene a muzovwu. Nobwakasika buzuba, sulwe wakaangilila muzovwu nkoigolela ntambo wakangilila civubwe kulubazu kumwi nkoigolela ntambo. Mpoonya bakatalika kukwelaana banyama aaba. Sulwe wakayuba akatikati ulalangilizya. Banyama aba muzovwu a civubwe bakakwelaana kwaciindi cilamfwu, pele kunyina wakazundwa – kusikila limwi zyuba lyakayeeya kubbila akukatala boonse bakakatala.

Mpoonya civubwe wakati, "Sulwe wandizunda alimwi ndakubona ulanguuzu kapati". Awalo muzovwu wakambila sulwe mbwena bwakaambile civubwe. Mpoonya sulwe wakabaangulula boonse kumwi kabatweta akaambo kakukata. Kwina wakabona mwenzyinyina. Bonse bakati, "Sulwe ulaanguzu kwiina anakatala kutondezya kuti twalikukwelana".

CIBALO 32

MUVWIMI A SOKWE

Kaindi, kaindi muvwimi uumwi wakabweza lwendo kuya mukuvwima mumulundu wakali kulaale. Wakaya kooko ababwa bakwe botatwe ba Tanda, Jata a Tafwuna Muvwimi ooyu wakabweza keembe, insumo a cipeni. Wakeenda musinzo mulamfwu ababwa bakwe kajisi makanze mapati.

Naakasika kumulundu ngubakalikwiita kuti syaatunyama wakabona banyama banji baide kweendeenda alimwi tabatiji akutija pe. Kwakali banyama bamisyobo amisyobo. Bamwi mbaabaya baluma mbuli basyumbwa, ba shiluwe, basuntwe a nzoka zyiimpene impene. Muvwimi wakalibanda kati ndime Haabusa, ndemwana

wabaloongo, sunu ndanyamuna manyama manyama. Wakazyiba kuti mapenzi aa busa kung'anda yakwe amana kayi abalo babwa bakwe wakali kubasyoma.

Oyu muvwimi cakamukopa nkuti banyama baligwa nyama mbuli basulwe, bacibize, imbaambi, banyati abamwi bakali atala amulundu kabazingulukidwe abanyama baluma anzoka inga kaka watisole kusabilizya babwa bakwe botatwe balo pele bayoowa akubbindila micila. Mulombwana ooyu wakacimwa kapati inga balo banyama mbuli kuti bapangenye biyo kunyina kusiyana pe.

Inga waticingulukile kooku, balo banyama bazinguluka.

Limwi wakaide kukkala akamwile ababwa bakwe. Inzala anyota zyakabakola.

Mulombwana ooyu wakatalika biyo lweendo lwakwe lwakujokela kauside kapati.

Munseleleo amulundu wakajana sokwe mucisamu camaabo. Mulombwana wakayeeya kuti ncibotu ajane maabo alye ababwa bakwe.

Eelyo wakaba amuzeezo mubotu. Wakayandaula mabwe akutalika kufwusa mucisamu camaabo mwakatantide sokwe. Sekwe walo wakayeeya kuti nkondo yatalika eelyo walo sokwe wakali kufwusa maabo aansi aakali muvwimi.

Bakafwusana kwacindi cilamfwu muvwimi wakabona kuti maabo awwula wakaleka kufwusa mabwe akutalika kupwaya akulya maabo. Awalo sokwe wakacileka kufwusa maabo, watalika kulya mbubwena bwakalikucita muntu.

Naakkakkuta muvwimi wakabwezelela aamwi maabo akubona nzila iiya kumunzi wakwe kauside kapati.

Naakasika kumunzi, bana abatumbu bakwe bakatambula maabo pele nyama tiibakaibona. Muvwimi wakapandulula mbwakalyuuma bbi buzuba oobu.

Mukaintu wakwe wakamuseka akumukasya kuya kukuvwiima kumulundu ooyu nkaambo ngwamalende. Wakati alimwi caba biyo coolwe nimwaluumwa nyoonse ababwa bako.

CIBALO 33

SILUUNI A NZIBA

Kaindi kaindi, mucisi cimwi kwakali mulombwana wakalikwiitwa kuti Siluuni akaambo wakali kuceenga Bantu asyimwi zyilengwaa Leza. Zyimwi zinyama abayuni zyakalikufwa kaambo kaluuni lwa mulombe ooyu.

Bumwi buzuba siluuni wakabona nziba yakaneneede kapati kailya mapopwe anyemu mumuunda wakwe. Eeci cakamucima pele nziba eyi yakamuzimina iinga ayanda kwijata kutegwa ayijaye yakali kumumvwa kufwambaana mpoonya yauluka. Ono wakakala aansi wakayeeya kuti ncibotu ayicenge nziba kutegwa

ayijate akwiilya kayi yali neneede kapati akaambo kakulya mapopwe anyemu zyakwe. Wakaipanganya cilongwe nziba. Wakali kwiiletela mapopwe anyemu kusikila limwi nziba yakaleka kumuyoowa.

Buzuba bumwi ooyu mulombwana wakaambila nziba kuti basobane kasobano kakulyaanga kakole munsingo nkaambo kakali kabotu kapati. Yalo nziba mukutazyiba mwenzyinyina ncakaali kuyeeya yakazumina. Ono muntu olya wakati walo ataangune kulyaanga kaambo nguwakazyi kasobano. Nziba yakasumina, Muntu wakalyanga mpoona nikwakainda ciindi wakaita nziba imwaangulule. Yakamwaangulula mpoona yalyaanga njiyo. Mbuyakalyaangila biyo mulombwana Siluuni wakasekelela kamwi kati, "Bafwubafwuba nzyilyo zhabacenjezi, sunu uli nyama yangu o nziba". Kumvwa boobu nzeba yakayoowa akutali kubimba akulomba kulekelelwa kumuntu. Mulombwana walo wakati, "sunu wabbadela mapopwe anyemu zyangu nzyookali kubba". Mpoona wakadwiimuka kakole kuzikila nziba ncaangu yafwa. Bakamba kale basikale kuti, "Nkucenjela nkaambo bafwubafwuba nzyilyo nzyabasongo".

CIBALO 34

SOKWE A NSWI

Kaindi, kaindi Sokwe a nswi bakapangana cilongwe. Inswi yakaambila sokwe kaiti, "Sokwe, atumvwahe musa, ono mucilongwe cesu mboobu mbotunokucita, waboola kunywa menda ndinokucenjezya kutegwa ciwena atakulumi. Ayebo kufwumbwa ndanikuyotela zuba kondaambila na ciyuni ncinga Sikwaze caboola kuti cindijate. Bakamvwanana obo akucita akwendelanya akumvwanana kwabo.

Bumwi buzuba Sokwe nakaunka kumulonga kuti akanywe meenda wakajana alikondookede, akaambo kaguwo pati lyakali kuunga. Inswi yakakolwa ntimba akwiile kwiimpauka atala. Sokwe naakabona boobo wakayanda kuti avune mwenzyinyina. Wakabweza mwenzyinyina akumubika anze ameenda, mpoonya wakajana kuti mulongwaakwe wafwa. Sokwe wakatalika biyo kulila nkaambo mwenzyinyina wakafwa.

CIBALO 35

MASEMBE A MASANSE

Masembe a Masanse bakali basimbi baniini. Lyoonse bakali kusobana akucela micelo yamusyokwe antoomwe. Masanse takacizyi kutantilila micelo pe. Mwenzyinyina wakali kutanta mumicelo akumuwaala ansi. Wakali kulongela micelo munsangwa.

Cifwumofwumo cimwi, bakabweza nsangwa zyabo nobakazwa akuyota mulilo. Bakaya kucisaka kukucela manego, kabela bakatyola ingobooby yakoobozya manego mumbali anzila. Nobakasika mucisiko cakanego, Masanse wakatanta. Wakabweza wakalongela munsangwa.

Nsangwa nozyakazula, Masanse wakayeeya kuseluka ansi, nkabela wakapatila amutabi naakali kuseluka. Wakambila Masembe, wakati, "Mweenzuma, ndakakilwa kuseluka, ndapatila amutabi".

Mweenzyinyina wakati, "Masanse! Seluka tweende kumunzi. Wapatila buti?"

Masanse wakati, "Mpocili candimanga, kabaite baama kumunzi bazyikunditunune".

Masembe wakatijaana kumunzi kukwiita banyina masanse.

Nkabela nobakamubona Masembe bakaleka kuluka lusuwo, wakabazwa moyo.

CIBALO 36

LUUNGA A MUKOMBWE

Luunga amukombwe bakali kuwima antoomwe, nkabela bakali kulolezyana nyama kakunyima anceengwa. Bumwi buzuba mukombwe wakajaya munyati, Luunga wakajaya insya. Mukombwe wakandula munyati akati nobakamana kumufwunda. Mweenzyinyina wakamupa cisela alakwe wakatola cisela. Insya bakaiyoka.

Lunga wakatenga, wakaba amunyono nkaambo lyoonse wakali kujaya tunyama tuniini. Wakambila mweenzyinyina, wakati, "Muvwimima, Tuleelede kusamba

kukalonga, tube acoolwe cakujaya banyama bapati surtu tukaindilile kukalonga twakubapa nyama yakujika bakaintu besu".

Bakaanzika nyama yabo inji mumasamu, bakabweza insyoonto yakujika, nkabela mukombwe mbwakabapeda cituli cakujika banakwe, wakaindilila kukalonga kukusamba mbuli mbubakapangana amuvwiminyina, walo Luunga wakaya kumukaintu wa mwenzyinyina, kukuvwiya. Wakabeja makani akamucisa moyo mukombwe wakamvwa kubanakwe.

Luunga wakabeja wakati, "Iwe mwanakazi, mulumi wako muyoofwu alimwi mufwubafwuba. Ulayoowa kujaya banyama bapati. Inyama yoonse njoojika ndime emulolezya. Sunu ndajaide munyati walo wajaide kasya, nkabela twakayoka". Naakamana kubeja, wakaya kung'anda yakwe. Awalo Mukombwe wakapiluka kukalonga.

Banakwe bakamulungwilida makani akababeja Luunga, nkabela wakanyema. Wakabweza keembe amasumo kuti bakalwane a luunga. Mukaintu wakwe wakamukasya nkaambo kutondwa keendela muntu kung'anda yakwe. Wakakkala, luunga wakajoka alimwi.

Banakwe mukombwe bakamwaambila kuti, "Ngooyo wasika mubeji.

Mukombwe wakati, "Ndicita cikuku-cikuku onono, natana kusika amulyango ndipeta mukosi mubaba nkabela asika umwambile kuti muvwiminyoko ndamugonka mukosi, mutwe wakwe waya musaka kukuvwima. "

Luunga wakasika ang'anda yamukombwe, wakabona mubili wamukombwe uliduumene antangalala. Wakabuzya kuli mukamukombwe, wakati, "Sena waciswa muvwimima?"

Mukamukombwe wakati, "Pe, pe. Ndamugonka mukosi, nkabela mutwe wakwe waya musaka kukuvwima". Luunga wakamvwa boobo, wakapiluka kung'anda yakwe amunyono mumoyo wakwe.

Wakaambila banakwe wakati, "Baama, leta keembe undigonke mukosi, mutwe wangu uye musaka kukuvwima. Mweenzuma bamugonka kale, nkabela mutwe wakwe waya kukuvwima.

Fwambaana, ndigonke, mutwe wamweenzuma uyoobamana manyama".

Mukaintu wakwe Luunga wakamugonka mukosi, nkabela mutwe wakwe tiwakaunka kukuvwima pe. Luunga wakafwa. Mukaintu wakwe wakatalika kulila ajwi pati. Mukombwe naakamvwa kulila wakazyiba kuti Luunga wamugonka mutwe mukaintu wakwe.

Wakapetununa mukosi wakwe mubbaba. Waka lyoolola, wakati, "Bbubbu! Bbubbu! Ko-kolikoo!". Coolwe caumwi tacilalilwi anze, cilakulumya suntwe."

CIBALO 37

SULWE ABALONGWE BAKWE.

Sulwe wakapangane bulongwe amuntu wakanunkide nyama yamwiingile. Buzuba bumwi, mulongwakwe wakamuswaya. Wakamujikila nyama yambelele.

Kabatana Iya nyama, mulongwaakwe sulwe, wakamwaambila wakati, "Mulongwaangu, eyi, nyama njondisomba nsyeilyi pe".

Sulwe wakati, "Ncibotu, mulongwaangu ulalya malili ang'ombe. Nzookuyandila nyama yamwiingile uzoolye".

Sulwe wakabweza jamba wakasya mulindi mulamfwu. Wakayaka makwa abwizu, nkabela wakaububiila invwu. Wakasya insya mumbali kuti mwiingile atazoocenjeli.

Naakamana kubamba mulindi, wakaya kuli mwiingilengwaatangide mulongwe ngwaakatangide bulongwe. Wakamweena, wakali, "Mulongwangu atweende kuzuka nkondabona insyu, ndakazilide ciindi". Bakeenda, bakasika kuzuka.

Sulwe wakaambila mwiingile wakati, "Mulongwangu, utalikatazyi kufumbaula nyika ampemo, nzeezyo insyu awo, zyakandikakila kubweza. Kolya! Ndakujana nkalete mabuyu aangu ngindakaluba zona mutala akalonga".

Mwiingile wakafwinya meso mukuyeeya insyu. Wakavuta onga wakali kulya abenzinyina, katazi ncaakamupangila mulongwaakwe. Wakatuuma mutusamu tufwifwi, nkabela wakadyobbokela mumulindi. Wakoongolola, wakati, "Sulwe, mulongwaangu, yakolomoka myika okuno. Ndaunkila! Fwambana uzondiwwune".

Sulwe wakamvwa boobo, wakaya kukwita mulongwaakwe wakamuswaide, wakamwinkide nyama yamwiingile. Mukasila wakaswaana benzyinyina mwiingile wakawida mumulindi. Bakamubuzya sulwe, bakati, "Sulwe, sena nkosyili insya nkumwabede amulongwaakao?"

Sulwe wakati, "Nkozili! Tazikwe buligwe!"

Nkabela alimwi bakati, "Mweenzinyoko wamuusiya kuli? Mweenzuma ucizya musule, bula bwamulemena".

Bamwiingile bakaseka akukondwa nibakamvwa majwi a sulwe. Bakali kuyandaula zuka lyakali ansyu, nkabela tiibakalibona pe. Bakapiluka, mwewnzinyina tiibakamubona awalo.

Sulwe wakatola mulongwaakwe wakanunkidwe nyama ya mwiingile, kukugusya mwiingile mumulindi mbwakamutondezezya biyo, wakamulaya, wakati, "Ukasike kabotu, mulongwaangu".

Mulongwaakwe wakati, "Ncibotu, mweenzuma. Ndalumba nyama yamwiingile njoondipa. Usyale kabotu! "Koonu kube amulilo".

CIBALO 38

MAPUWO A SYAMUVUMA

Aaka nkalengwa kazyizyile mucisi coonse ca-butonga. Tuinji-tunji tulamvwa Bantu kabati, ulaa mapuwo asyamuvuma wakati ndaledede akati kabasimbi ani waled pakati kamisunta.

Aaka kalengwa antela kaambyo umwi musankwa wansiku. Ooyu musankwa taakajisi musimbi wakali mwanakasuwanyina pe mbuli mbobakajisi beenzinyina boonse. Basimbi boonse bakali kumusanka akumukaka.

Bakali kuti, 'Nguni uusyabwa ndinga syaamuvuma libi - libi lipati malomo'. Abalo basankwanyina ncimunya biyo, bakali kumukwena akumuseka, bakali kuti, "Webo Syaamuvuma olikke nduwe otajisi kasuwa. Toonse tobenzinyokwe tulijisi usuwa. Ino webo ulekelanzi?" Walo wakali kuti, "Nkutayanda biyo basa, ndakuyanda ambeyo njakutanza".

Laakacimwa nkobamukwena lyoonse, syaamuvuma wakabacenga beenzinyina. Wakabacenga kuti wakatanza kasuwa alakwe. Pesi balo bakamukazya bakati, "Ulabeja musa ino nguni musimbi wako?" Wakati, "muya kumuziba aakale".

Umwi buzuba, nokwakasiya, Syaamuvuma taakanjila mugobelo mubeenzinyina. Wakaya kunzaa manda kwakali bwizu wakaakoona akati kamisunta. Nobwakaca, ncili cifwumofwumo, wakazwa mumisunta wakaya kung'anda kwakavundikidwe amwale. Asike kuya, wakalicutusya ali bakamwale kutegwa abije mukula. Azwe waawo, wakaya kubeenzinyiina. Beenzinyina bakamubuzya bakati, "aa sunu musa waledede kuli? Walo wakati, "Kusaanguna kamundilanga amubili mulakuziba kwindaledede." Kabamulanga biyo bakajana kuti usubila-subila mukula.

Nkabela bakati, "Nguni wakusubizya mukula?" Walo' wakati, "Ino cisubizya basankwa mukula ninzi?" Beenzinyina, 'Mbasimbi we'. Syaamuvuma, 'Ino mundibuziyanzi nomwaziba kale kwendaledede? Mebo ndaledede akati abasimbi mbobandibisya mukula. Mubili onse ulababa-bab mwalikundiyasa nkolo! Nkabela boonse benzinyina bakaseka cakukondwa kapati.

Takanaba kaindi benzinyina bakateelela kuti Syaamuvuna mukula ngwabijide waujana kuli bakamwale, teesyi kubasimbi pe. Nkabela bakamubuzya kabotu-kabotu. Nkabela wakabaambila mbuli mwaaakaledede mumisunta yabwizu ambwaakainda kuli bakamwale kuya kunana mukula.

Wakaabambila kuti wakali kuyanda kucenga mbabo nkaambo lyoonse bakali kumuseka ati takwe musimbi. Bakaseka kapati, bakali kuti, "Ulaa mapuwo, watucenga kuti waledede akati kabasimbi ani kuti waledede akati kamsunta yabwizu. Watucenga kuti mubili ulababa mwali kukuyasa nkolo ani kuti mubili ubaba bwizu bwali kukuyasa. Aino momuno. Twatinyandwe, webu lwako o – Syaamuvuma koonse akati kabasimbi! Ubajane kuli basimbi mbotoone akati? Mbombuboobo mbokakacala kasimyo nkotumvwa mazuba oonse kakuti, "Ulaa mapuwo a Syaamavuma".

CIBALO 39

NKATOMBE KESU MUKAANGU

Imwi sikaale naakabona kuti takkuti kabotu, wakasola kujana imwi nzila yakuti kakkuta. Wakayeeya kucita cimwi cintu kutegwa mukaintu wakwe kasesemwa, katalyi, kutegwa walo kalya alikke kakkuta kalidomenena.

Wakali kucita kuti mukaintu najika walo ulikkede mumsi acikko.

Nkabela abona kuti mukaintu wajula cibiya awalo ankuyumuka kukoya nkuli kwaya.

Mbwaayamukila biyo nkuliinzyainzya munsaa cibiya, kutegwa cisani catombe injile muli cakulya. Amana ategwa, 'Yaayayaaya, amulange ndabbeeswida tembo lyangu muli cakulya noobenzuuma? Aa ino mukaintu wangu uutalyi injilwa tombe lyabasankwa kanga wategwami? Alyeenzi nobeenzuma kaka?"

Walo mukaintu wakali kuti, "Ino ntyani, ndiyoka tundongwe. Nzikulya bwaca. Imwi buzuba wabona mukaintu kalengwa komwe. Imwi cakamukopa mukaintu. Wamvwa nzala yamubuzya mukowa, kumeso pyu.

Wakatalika kubweka kuti, "Ino webu usyi ndaba nkalengwaanzi aka lyoonse? Wandijazya nzala". Walo mulumi wakali kuti, "peepe, mukaangu, nseciti caali pe,

mulembo biya walampisya". Walo mukaintu wakati, pe usyi ndaba konga waugonka mulembo wako utali kunga lyoonse kozyeepwida muli cakulya.

Pesi walo mwanalumi taakaleka kalengwa kakwe. Wakali kufwumbwa kwainda biyo mazuba maniini wacita kale kalengwa kakwe. Awalo mukaintu wakali kuleka kulya lyoonse.

Limwi mukaintu cimukope kwiindilila wakati ambeyo iincite mbwacita. Ucijula biyo cibiya nkuyumuka nkucitaaluka. Amane ategwa, "Liyo, noobenzuma kaka sunu! Amulange ndamwwilazya usyi ndaba: ndanyikizya cisalu mukulya".

Walo mulumi avuwe ategwa, "Peepe, koleka biyo tacikwe mulandu ndalya; nkatombe kesu mukaangu!".

Walo mukaintu wakati, "Peepe koleka ayebo, nkaambo ambeyo ndakali kuleka". Pesi walo taakaleka. Wakaongomana biyo kulya.

CIBALO 40

MUBWA ASULWE

Kaindi, kaindi, mubwa a sulwe bakali kukkala munsi-munsi. Bakali kulombana zinyintu zyinji. Bana babo bakali kusobana antomwee.

Bumi buzuba mwana omwe wa mubwa wakaluma mwana wa sulwe akumuzutula kabeela kamucila. Mwana wa mubwa wakakatamfwuna kabeela akaya akumwua kanona kapati. Nibakasika bazyali, mwana wa mubwa wakalwiida bunono bwa nyama yasulwe. Bazyali bakayandisya kapati kuti abalo balye nyama ya sulwe aboobo bakasoleka canguzu kujata bana basulwe akubalya.

Basulwe nibakabona kuti bamana bana, bakabuzya bamwi beenzyinyina. Baaba bakabaambila kuti cakali kubalida bana, mweenzyinyina mubwa. Ba sulwe bakanyema kapati akubuzya mubwa makaani aaya. Mubwa wakanyema kapati akutalika kutandaanya sulwe. Ambuli sunu mubwa ucinyemedede ncenciceeci natandaanya akuluma ba sulwe.

CIBALO 41

MUSIMBI A MPONGO

Mumwi buzuba musimbi uumwi wakali kukkala mumunzi wiitwa kuti Lumwayu, wakagambwa kumvwa mpongo ncembele kaitongooka. Impongo eeyi yakali kwaamba kuti Bantu tabali kabotu nkaambo bakali kulanganya biyo ng'ombe kubanyama boonse mbubakavubide. Kuti ng'ombe yaciswa, ulajana muntu wauzya zyimwi mpongo kutegwa aule musamu, pele kuti mpongo yacembaala antela yaciswa, calo muntu ncakali kuyeeya nkujaya akulya.

Musimbi ooyu wakagabwa kapati kumvwa mpongo kiitongoka, kiilyambauzya likke. Mbubakasikila biyo bazyali musimbi wakabalwiida makaani aaya.

Bazyali abalo bakagambwa. Mpoonya bakayeeya kulesya makaani aya kuti ziyibwe a mpongo zyimwi; aboobo bakaijaya iya mpongo akwiilya. Kusikila sunu mpongo ncecinyama civubwa kufwumbwa kuti Kwaba pobwe azyimwi yisobano.

CIBALO 42

NAALUNTAMBWE NCABABAILA KWEENDA

aindi loko, Naluntaambwe wakali munyama wakajisi lubilo kapati. Banyama boonse bakali kumuyoowa akumyomenenwa lubilo lwakwe. Sulwe wakali gumwi munyama wakajisi munyono kapati. Sulwe wakayandaula nzila akunyonyoona lubilo lwa Naluntaambwe.

Mumi buzuba sulwe wakaambila Naluntaambwe kuti bakeendeeende mucibanda. Naluntaambwe wakasola kukaka pele sulwe wakamusungilzya. Mpoonya Naluntaambwe wakazumina.

Mibakasika mucibanda, sulwe wakaambila mweenzyinyina kuti basotoke mulilo moya kulubazu lumwi kwakali zyakulya zyinji. Sulwe wakati ncibotu Naluntaambwe asaangune nkaambo ngowakali alubilo. Naluntaambwe wakatalika kulunduka kukosola cibanda cakali kupya mulilo.

Sulwe wakatanta akaulu ulalangilila. Naluntaambwe wakapya maulu oonse. Sulwe walo wakali kwiiqe kuseka kapati. Ambuli sunu, Naluntaambwe ucibabaila weenda.

CIBALO 43

MWAKATI KOYA KOZYANA MUYUNI

Kaindi, kaindi mucisi ca mwami Hamaundu munyika yabu Tonga, kwakali balombwana botatwe bakabweza lweendo lwakuya mucibanda cakali muni muni a mulundu wansozi. Oomu mucibanda amumulundu bantu tiibakali kuzumizyigwa kuvwima. banyama. Kwakali ciindi munzi woonse niwakali kuya mukuvwima alimwi kwakali kunga kwacitwa zyimwi zyilengwalengwa kusaanguna.

Balombwana aaba bakaunka kawiiwi kakunyina akwaambila naba omwe muntu. Bakasika kuya kubusena akujana banyama banji mbuli bacibize, ingulube zyamusyokwe, banyati, imbaambi abmwi banyama. Bakajaya banyama banji akubafwunda. Bakabweza manyamanyama bana babalombwana akubweza lweendo kujokela kumunzi. Pele mbubakazwida biyo mucibanda, kumbele lyabo kwakalibonya muyuni mupati kapati ulyaangide zyipaya amapepe amakumbuzu munsafwu mbuli babaya bazyana cizyasno ca "Vimbuza". Mpoonya muyuni ooyu wakasola asyonto kuzyana, kati ngudyonko biyo.

Balombwana aaba cakabakonda kapati cizyano eeci eelyo bakalomba muyuni kuti zizyane akwiimba kanyimbo kakwe.

Muyuni wakvwiila kati, "Ino ndazyana mulandipa nzi?"

Balombwana bakati, "Tukupya nyama, Syena tolyi nyama muyuni?"

Muyuni wakati, "Ndalya nyama, pele ino nyama yandilangula, syena mulandipa imbi?" Balombwana bakavwiila alimwi bakati, "Kunyina abubi nyama ninji ulakupa imbi".

Muyuni wakatalika kwiimba alimwi akuzyana cibotelezya kapati. Mboobu mbwaakali kwiimba:

Mwakati koya kozyana

Ino ndazyazyana 'mundipenzi?

Mwati tulakupa nyama

Ino nyama yandilangula?

Mwati mulandipa imbi

Nabungele, bungele, cakata, ccakata

Ccabubbu, Nabungele bungele.

Nabungele bungele, ccakata, ccakata

Ccabu bbu

Nabungele bungele.

Balombwana bakakkomana kapati akumupa nyama muyuni. Muyuni wakalya kufwambaana. Balombwana bakatalika kweenda. Tabana akusika aalamfu,

muyuni wakabaingilila kumbele uyaa buuma mababa akuzyana cinoonezya kumwi kaimba akaimbo kakwe.

Balombwana bakapa kale nyama. Bakatalika alimwi kweendesya. Baceenda biyo asyoonto muyuni wakabenzya kali ulazyana akwwiimba kapati. Oolu lweendo aabona wabbubbulikila kumitwe yabo. Balombwana nkwiide kuwaala nyama. Muyuni wakalikulya cakufwamvwaanya mbuli kuti ulisondokede.

Muyuni wakabasyupa balombwana aaba kusikila nyama yoonse yamana. Niyakamana nyama, muyuni wakacili kubatobela kaimba akuzyana mbweena kaamba kupegwa nyama. Balombwana lyakabaleka. Bakaabona kuti makani abija. Bakalomba muyuni kuti ajoke biyo kucibanda nkwaakazyilide. Muyuni taakazumina, wakatalika kuzyana akubbubbulika kazonyoona zykanda kumibili yabalombwana aaba. Balombwana bakalila kumwi malowa aleenda.

Muyuni naakabona kuti balondelela kusika kuminzi yabo alimwi abantu bamumunzi balibonya akumweebela, wakazyana akwiimba kapati.

Kumanizya cizyano cakwe, muyuni wakaimba akuzyana kumwi kabbubbulikila kumesyo lyabalombwana. Ooyu muyuni wakadokola lisyo lyomwe kuli umwi amwi wabalombwana mpoona wauluka wajokela kucibanda cili muni amulundu nkwaakazyilide. Balombwana bakacaala balalila kabafwide nsoni kapati.

CIBALO 44

NCOBAIMBILA BAYUNI

Kaindi, kaindi, mummyaka itazyi bantu, bayuni atuseseko bakalijisi cilongwe ziyumu.

Mumazuba aayo, bayuni atuseseko tiibakali kukonzya kuuluka, alimwi tiibakazyi wiimba mbuli mbobaimba cinoonezya mazuba aasunu. Boonse bayuni atuseseko bakali kujaikwa tunji-tunji abasinkondonyina bakaaze.

Kokwakacaala zyiinga zyongaye buyo, eezyi zyiinga zyakabungana kulomba mulengi mupati kuti abagwasye kweeleba basinkondonyina, nkaambo bakaaze bakali banyama bacençjede kapati kujata bayuni atuseseko. Mulengi mupati wakayeeya ciindi cilamfu nkabela wakati, "Mbubo ndamupa mababa nobayuni atuseseko kutegwa mwabona sinkondonyoko mwauluka mwamusiya".

Bobakamvwa booboo bayuni bakakondwa kapati nkabela mpoona bakatalika wiimba ciimbo cakulumba, ncobaimba ambuli sunu.

Esi tuseseko akaambo kakuliyanda twakaile kweenda akulumba pe. Nkabela mulengi mupati wakati, "Nwebo notuseseko tamucizumzyigwi kusangana abayuni

nkaambo balo bandilumba, aboobo munakuuluka masiku pesi, bayuni noboona alimwi nokunyina zyuba lyakumunbika anyika.

CIBALO 45

MUKAINTU AJUNI LIMENA BANA

Kaindi, kaindi kwakali bamakaintu bobile bakakwetwe antomwe mumaali.

Aaba Bantu bakalikuyandana kapati. Bantu banji bamumuzi mubakali kukkala bakalikunyomenenwa bukkale bwabo. Lyoonse bakali kwaambilana maseseke mbuli bantu batali mumaali.

Bumwi buzuba namaleleo wakalomba mulumi wakwe kuti abweze lweendo kuyo kuswaya bazyali bakwe. Mulumi wakamuzumininzya. Namalelo mbuli lyoonse wakaambila mukazyinyina makani alweendo lwakwe. Ano mukazyinyina wakabuzya nzila namalelo njalikuyanda kubelesya.

Namalelo wakati ubelesya nzila iikosola kutegwa afwambaane kusika kwabo. Alimwi wakati ulabweza abana basyoonto-syoonto bone kutegwa bakabone ba haanyinakulu abanyinakulu. Mukazyinyina wakamukasya kwiindanzila eeyi nkaambo kwakali Juni limena bana. Namalelo takasyoma cakaamba mukazyinyina. Wakazumanana eelyo mpoonya mukazyinyina wakamuleka biyo. Namalelo wakeenda, watozya njeena nzila iikosola abana bakwe.

Namalelo naakasika biyo abusena mukazyinyina napakali kwaamba, wakabona biyo juni lipati lyamwiingilila kumbele.

Ijuni lyakabbubulika alumwemwe lunji nkaambo lyakazyika kuti cakulya caboneka. Lyakaambila mukaintu kuti alipe mwana omwe lilye. Mukaintu uulya wakakankamana akuyoowa kapati. Naakali kukaka-kaka ijuni lyakamukwempa mwana omwe lyauluka anguwe. Lyakatalika kumena mwana ooyu cakubinda.

Uya mukaintu wakaambila bana kuti bajoke kumunzi kabayaabulunduka.

Tabana akusika akule, ijuni lyakamana kulya mwana akubaingilila kumbele.

Namalelo wakayoowa kapati nkaambo wakazyiba kuti bana boonse balamana kuligwa kujuini eelo lilyato. Wakatalika kwiimba ijuni nilyakalomba uumbi mwana. Wakalikwiimba kuti:

Ijuni: Ndipaapa ndipe
Namalelo: Ino nkupe nzi muyuni
Nondaala mwana nindakupa
Walikwaamba mukazyiina ati
Kazila aaka utakakaindi
Nkaambo kuli juni limena bana
Ijuni: Ndipaapa ndipe.

Mpoonya juni lyakakwempa mwana umwi.

Ijuni lyakabalya bana boonse akumuleka mukaintu kutegwa akaluule kumunzi.

Naakasika kumunzi wakajana biyo mukazyinyina akumwaambila mapenzi akuligwa kwabana boonse bone kujuni.

Mukazyinyina wakakalala kapati akumwaambila kuti, "Langa ndalikwaambide kuti nzila iya nimbi yantenda utakayiindi. Langa ano waluza bana bako babotu. Ino ulatyani ino?" Namaleleo wakali kwiide kulila. Tiikwainda ciindi, mulimi wakasika.

Bamakaintu bakumulwiida makani oonse. Nokuba kuti wakalinyemede wakabweza biyo syumo a buta a mubwa wakwe watola nzila kwakali juni.

Mulombwana ooyu wakalijaya juni akulifwunda wajana bana bakwe mbaumbulu boonse alimwi balalanga. Wakakosola mutwe wajuni akutebba nkuni abana ukuumpa zyibeela zyonse akusiyta biyo mutwe wa juni akuya kumunzi abana bakwe. Namalelo amukazyinyina bakakkomana kapati kubona bana bakamenendwe ku juni. Mulumi wakwe amukazyinyina bakamuseka namalelo aku mwaambila kuti atakainduluki kutamvwa kwaambilwa.

CIBALO 46

KWALAMPA NKOBATUWEZA

Kalekale mumunzi uumwi mucisi cabutonga, bantu bakali kuyandisya kuvwima ukujaya mbeba. Bantu bakaweza akumanizya mbeba zyoonse zyakali muni muni aminzi. Akaambo kakuyandisya nyama yambeba bantu bakatalika kuvwima mbeba kumasena akasyigwa mulaale amymalende. Bapatipati mumunzi akasola akukasya bana babo kuweza mulaal, pele bakakaka kutobela yakalikwaamba bapati.

Bumwi buzuba akaambo kankazi zybana, bakuakujaya mbeba kulamfwu.

Mbuli lyoonse ezyiya mbeba bakazyipandula, mala bakagusya, baayoka, basanina kuku zyabo. Ono mbeba ezyi zyakalaakalengwa kagambya. Zyakatalika muliyanuna akulisumatika omuya muzyakapandwidwe zybana kuti bantu boonse bazwa amunzi. Zyakalikucita kuti zyayandaula Ngoma zyatalika kwiimba kazyiti:

1. Kwalampa nkobatuweza
Tabalaa, Tabala nacyoolwe tabala} x 2

Kulwani nkule
Tabalaa, Tabalaa nacyoolwe tabala} x 2
2. Ikuyaka mulilo tubone kwasiya siya} x 2
Diintinini
Nkobayala masumo Mbala waabaumba} x2

Diintini
Eetakwe a mala, diintinini mala bakayoka}
Diintinini bakasanina nkuku zyabo diintinini} x 2

Mbeba zyakali kucita oobu lyoonse, limwi bakatalika kuyeeyela zyinyama zyimwi zyakalikucaala amunzi kuti ndiza akuuma Ngoma mbatako.

Bumwi buzuba mudaala umwi wakalicegeezya kuciswa eelyo mpoonya Bantu boonse nibakazwa amunzi mbeba zyakaitana akuyoboloka muzyakayanikidwe, zyakabweza Ngoma zyatalika kwiimba akuzyana kapati mbuli lyoonse.

Ujulya mudala wakasondela akulibonena cakali kucitika. Wakanyandwa kapati.

Nibakapiluka bantu bamumunzi ooyu wakabalwiida mbeba mbuzyakalikucita.

Bantu boonse bakanyandwa mpoonya bakapangana bakaliceengezye kuunka kumilimo baakumana bakayube kutegwa zyakutalika kuzyana mbeba bakalibonenen akuzyijata mbeba.

Mubwakaca, bantu bakacita mbubwena mbubakapangene. Mbeba zyakayobolana mbubwena lyoonse akutalika kwiimba akuzyana kapati. Bantu boonse bakalibonena akunyandwa kapati. Mpoonya bakazwa mubakayubide kutegwa masole kuzyijata mbeba, pele zyakatija – Zyamwaikizyanya musyokwe. Kuzwa buzuba oobu bantu bakaleka kulya mbeba. Asunu mumasena aanji aacisi abutonga mbeba zyinji nkaambo bantu tabajayi akulya mbeba.

CIBALO 47

NUNGU NCIJISI MINUNGU

Gaindi Nungu wakali munyama uyanda kulilumbaizya alimwi akulumbaizigwa. Nungu wakali munyama mubotu alimwi wakali kuyanda kumvwa banyamanyina abamulumbaizya.

Bumwi buzuba wakalilumbaizya munsu lya mwaaba wakati, "Banyama nobali mbuli ndime anyika naali anono kukkala" Naakamvwa boobo mwaaba wakanyema kapati. Eelyo wakatalika kuyandaula nzila yakunyonyoona bubotu bwanungu.

Mwaaba wakati, "Nobanungu amuteelele. Omuya mucisaka camamvwa mukkala muntu ukonzya kumucita kuti bubotu bwanu bwiindilile. Kamuya mukamubone pesi kamusiya kkoti iyanu bbotu lyaboya kuli ndime nkaambo antela lanyonyooka."

kufubaala kwanungu, mukusola kunjila mumavwa, yakayaswa mubili oonse
mamvwa malamfwu, alimwi tiyakacikonzya kwagusya.

Waba wakaseka wakati, "Ehe! Mbotakonzyi kusama kkoti Lyako eeli bbotu atala
mamvwaayo mabi, ndalisama ndime". Aboobo mwaaba ucisama kkoti bbotu.

CIBALO 48

UTACISI ZYINTU ZYIPONA

aindi, kaindi munyika ya Batonga, kwakali musankwa wakali jisi zyina Iya
syaandi. Ooyu mulombe wakajisi moyo muyumu kapati. Wakali kunga
fwumbwa wabona zyilengwa Leza mbuli bayuni, zyinya zhyaanuika
yamumeenda nkujaya. Nsyaandi wakalikubelesya nzila zyibi alimwi zyandeene
jaya zyintu eezyi. Zyimwi nzila nzyaakalikubelesya nzyeezyi: Kuyasa banyama
swi amasumo antela myuumba, kufusa nkoli aamabwe, kuuma tuyuni
malekani, kuteya kwiinda mukubelesya milindi, tooye a zysisilazya, kubika
samu iikola mumeenda mukkala nswi azyinyama alimwi amozyinywa meenda.
imwi zyinyama atuyuni wakali kusina biya. Oobo buzuba camubuka nkuumpa
banda zwabwizu akwiile kugonkoola zyasamu. Inga Bantu babona boobu
amba ati,

"Sunu njamalumaluma takusolwi

Kwamba nociba comwe, ooyu musankwa uusondokede inga kaya kugonka
nduwe".

yali bakwe abantu banji bamucisi bakasola kumukasya kunyonyoona
engwa Leza munzila iiliboobu, pele tanaakamvwa pe.
o wakazumanana kucita mulimo wakwe mubi.

imwi buzuba, Nsyaandi wakaciswa kapati. Wakalikulimvwinsya kutongela
ntu ucili anze anga'anda yakwe. Bantu bakasola kumugwasya kwiinda
umupa misamu yaandeene, peele bulwazi bwakalikuya ambele biya.
aciswa kwamazuba manji. Bumwi buzuba naakaledede munga'anda kacisidwe
ati alimwi kali biyo alikke, wakazyikidwe kubona zyinyama zyinji; Ziyuni,
a, nzoka, bacula, basokwe, tutabi twazyisamu azyimwi zyilenga leza
muzingulukide Kazyinyemedede kapati. Meso aazyinyama azyuyuni
kusubila pyuu akaambo kabukali.

oonse zinyama azyiyuni atuuka toonse zyakamutunamina ameso makali kupati. Zyimwi zyakalikwaamba mujwi lyakunyema kazyiti, "Ngonguwe ooyu usankwa mubi ujisi moyo muyumu wakucisa zyintu zyipona".

umba wakaamba cakunyema kati, "Kubota cisankwa eeci cifwe, mebo bazyali bangu bakafwa nkaambo kancico".

ziba yakati, "Kamulanga mbwebede ndilimulema kuulu abbaba, ninkoli amusankwa ooyu yakandicita boobu".

zoka yalo yakasaanguna kumuzamba musingo Nsyaandi mpoona yamulanga kwaamba kuti, "Mulombe, ulayeeya obuya buzuba nookandisinkida mubwina mane wadoneka mulilo, nikwatakali mvula yakaboola nanga asunu nsyeko".

ula wakasotoka wakkala ankumo ya Nsyaandi. Ooyu cula wakalicembeede alimwi kajisi cimbolyo. Wakati, "Nsyaandi, ndiyanda liso lyangu sunu; kuti tandipi ulacibona cakasubizya kwale kumulomo, ayebo ndilakubwalaula meso onse." Awalo kwaale wakamvwa boobu wakontomoka kati, "Ooyu mulombe wakateya akujaya bazyali bangu boonse akakole kakwe, sunu ulacibona".

aluntaambwer wakaatila mucamba wakalikwiide kufwooma akaambo cakunyema. Basimunya, nsilibi, bunyenyeene abasyicoombolwa zyakatanta mubili wa Nsyaandi akutalika kuluma, Nsyaandi nkwiide kooloma kubbwenyauka abulo.

zinyama zynji zyakaamba majwi ayosya. Nsyaandi wakalikwiide kubimba kuzibauka kayoowede kupati. Mpoona sokwe wakanyemedede kwindilila wakakwezyula biyo muluso kumutabi wacisamu wakalaafwaafwi akutalika kuuma Nsyaandi. Nsyaandi wakakwiila kulila, wakatama kati, "Ndeempa, ndaabona ansi, syekainduluki alimwi kucisa antela kunyonyoona zyintu zyipona". Kacaamba boobu bantu baajana Nsyaandi uloompolola kulila kazungulukidwe azyinyama zyimwi zyilengwaLeza. Bakabona kuti abija makani. Mpoona bantu wakazyilomba zyilengwa Leza kuti zyimulekelele Nsyaandi.

zyakamvwa kulomba oku akwaamba kuti, "Nsyaandi atakacindululi kabili kucisa zyintu zyipona; welede kucinca abe aamoyo mubotu alimwi azyibe kuti ulamucitila zyintu zyibotu mbuli kumupa nyama njalya, zyipaya eezyi zyasamide akulivwumba, musamu ooyu ngwanywa, bulo, ciluli cang'anda yakwe ziyasyidwe bwizu asyisamu. Uli buti muntu ooyu uotalumbi? Mpoona zyilengwaLeza shakamwaikizyanya akupona wapona Nsyaandi. Wakalumba Bantu akwaamba kuti, "Nsyecikacisi zyintu zyipona alimwi akaambo kakuti ndeempa alimwi ndazyiba bubotu bwazyilengwa Leza".

CIBALO 49

SULWE A MUGOTI WAMEENDA

Limwi mwaka mvwula tiyawa kabotu, aboobo milonga yoonse yakayuminina mugundu iyabutonga Iyoonse. Banyama bakapenga kapati nkaambo kakubula meenda aakunywa.

Mumwi buzuba Syuumbwa wakali ngo mwami wabanyama wakaita banyama yoonse akupamga muswaangano. Banyama bakazuminana kuti babalekele intoomwe basye mugoti wameenda. Alikke sulwe nguwakakaka kusya kwamba kuti kunyina naya kwaanywa meenda abo.

Banyama bakabeleka canguzu akusya mugoti kusikila limwi ameenda baajana. Banyama bakasiya meenda kutegwa akkalikile. Sulwe wakaunka kumugoti akuya kwaanywa meenda oonse wasiya biyo ntimba. Banyama nibakajokela bakajana meenda oonse anyugwa, mugoti wayuminina.

Bakapenga kapati kunyota limwi bakatalika kufwa omwe omwe.

Mumamanino bakamujata wakaanywa meenda. Inondo njiyakamujata sulwe.

Kakalipanga mbuli cuuno yanana bunzuka.

Sulwe wakakkala wakajatilila. Banyama nibakasika bakajata sulwe kumuumakapati. Nibakayanda kumumya abwe kutegwa afwe, walo sulwe wakabaunina akuti, "Kuti kamuyanda kuti ndifwe kufwambaana mutasowi ciindi anu kundipwaila abwe nkaambo swebo toba sulwe tatufwi azyintu ziyumu pe, Cita a museenga".

Banyama nibakamvwa boobo bakakkomana kapati akuya abusena aakali musenga munji. Bakaita munyati wakanyemedede kapati alimwi wakaliikuboneka tuba anguzu kapati kuti apwaye sulwe amuseenga. Munyati wakafwusa sulwe anguzu amuseenga. Sulwe wakatatula museenga akubatowa banyama kuti kati, Ma!" Ndazwa aanga mulangu, kamucaala nobafwubafwuba".

CIBALO 50

NCIYAKALAMPILA NSINGO MPOWANI.

Kaindi, kaindi, mpowani neyakajisi nsingo mfwaafwi yakayanzana cilongwe a ciwena. Banyama bamwi bakayaambila mpowani kuti ciwena munyama mubi aboobo taciluzi kuti bayanzane, pesi mpowani nokuba kuti muyuni mupati laamutwe muniini aboobo maano masyoonto eelyo tiyakateelela nciyakaambilwa.

Bumwi buzuba ciwena yakamujaya nzala kapati nkaambo tanakalya mazuba nanji. Wakati ku mpowani, "Noba mpowani linyo lyangu lilacisa. Amunjizye mutwe wanu mukanwa mwangu mukwabo mulange na ndinyonzi icisa". Kufwubaala kwa mpowani yakacita mbuyakaambilwa, nkabela, kubija kwa ciwena, wakajala mulomo wakwe.


Mpowani yakakwela anguzu ciindi cilamfu mpoona nsingo yakatalika kulandamuka akulampa. Naakakatala ciwena wacileka. Mpowani yakatija, kuzyila eeco ciindi ikkala muzyibanda zyamusenga kule amulonga mukkala ciwena.

Appendix 6: Questionnaires

Questionnaire for Collection of indigenous Tonga Stories.

1. Good morning/afternoon Sir/Madam.
2. I am a student from the University of Zambia doing field study. Would you allow me to ask you few questions? Be assured that the information you will provide will be confidential.
3. Although you are found here in Chibombo District of Central Province, your name suggests that you are a Tonga speaker, is that so?
4. If yes, which part of Southern Province do you or your parents come from?
5. Among Tonga people, one of the common evening entertainments is story-telling, could you be in a position to tell me some interesting indigenous Tonga stories that you know?
6. Could you mention other indigenous Tonga speakers in the neighbourhood and direct me to them?

Thank you for your time and assistance



Questionnaire for Grade 5 Teachers at Schools of Field – Testing of Tonga Stories.

Name:

School:

1. How would you rate your pupils' interest in the materials?
2. How would you rate the difficulty of the material to your pupils?
3. How would you rate the relevance of the material as supplement to the existing Environmental Education materials in this grade?
4. How would you rate the value of the material?

Use the five-point rating scale below. Show by ticking.

	1	2	3	4	5
Pupils' interest in the material					
Difficulty of the material to pupils					
Relevance of the material					
Value of the material					

5. What is your other critical evaluation of the material in addition to the above items? Use a separate sheet of paper to answer this question.

Thank you for responding to all the questions.

Questionnaire for Grade 5 Pupils at Schools of Field- Testing of Tonga Stories.

1. What is your impression on the Tonga stories i.e. were they interesting or not?
2. One of the stories you read is about a boy who used to harm living things, do children nowadays harm living things in a similar way?
3. Are these stories useful in conserving the environment? Explain briefly.
4. Do you think the exercises you did from the new material are educative or not?
5. What general comments can you make about the developed teaching and learning Environmental Education materials?

Thank you for answering my questions.